


啟雋問類函 近八十七之九




漢書門類			
一	四	〇	號
二	四	〇	函
四	八	〇	架
四	八	〇	冊

內閣文庫			
漢	書	門	類
一	四	〇	號
二	四	〇	函
四	八	〇	架
四	八	〇	冊

內閣文庫			
番號	漢	11409	
冊數	43 (44)		
函號	364	52	



綴じ部(喉部分)の文字など開きが不鮮明な箇所あり



啓雋近體卷八十七

類函九十九

東吳俞安期羨長彙編

上饒王嗣經曰常同輯

建武鄧羨遠遊訂定

郡僚部五判同卷郡賀郡丞子登第

賀施二府子登第啓

明王玠

熊軾分符惠露樹循良之績鳳毛濟美登雲顯世德
之光黎庶騰歡縉紳稱慶恭惟某官雪川駿望峴阜
鴻儀際盛世之賢科名登桂籍荷皇仁之欽典郡理
羊城明湛覆盆辨鼠雀于牙角仁弘解網啓幽蟄以

啓雋近體卷八十七

陽春日麗黃堂綜覈絕清戎之擾風清皂蓋輯寧歌
奠枕之安澤被蒼生慶流景胄纔發省闈以擢秀棠
棣交輝即聯甲第以升華鸞龍繼美蓋槐庭久植令
德上格玄穹桂萼齊芳餘慶下延後裔此乃仁廉之
報誰云造物之偏上論咸孚輿情共慙矧某卑職益
荷洪恩恭仰鴻逵莫展樞衣之敬俯深雀躍少申賀
復之私肅遣末侔少將芹曝倘蒙淵涵曷已歡抃

賀郡丞父壽

賀趙二守尊公壽啓

明陳一簡

義方傳帝闕已膺一命之榮褒慶祚集仙閭友迓九
齡之永錫况繼志能恢夫世德斯寧神足固其真元
寵授烏紗奚事斑斲娛老妙踰卅藥自應碧眼還童
兆春秋八千歲之徵興郡邑百萬人之祝某托緣連
署附屬通家挹棠芩之仁風陽春有脚瞻椿庭之壽
曜太宇無塵雖劬勩未綴于賀班而歡抃適逢乎勝
會特緘篚幣率部吏以奉將聊代樽醪陪鄉朋而進
獻勒狀效南山之頌抒情引下里之歌願尊公大耄

孫于期願不盡餘年直與商彭比筭期黃丈清銜陟
于懸峻無疆後祿允隨裴晉留名

賀郡丞令節

賀婺州趙郡丞啓元日

宋李 劉

至律導和氣已諧于蒺達璇源集慶祿更厚于瓜綿
近尺五之天旂旂有爛方千里之地襦袴已溫濫綴
橐班阻趨戟衛三朝受四海之籍肇啓上儀八荒轉
一氣之鈞佇觀歸袞

賀二府端陽啓

明諸葛昇

榴火杼丹日午正天中之候蒲觴泛綠年長占地臘
之祥愠藉解於虞絃蔭每依於夏屋欣逢令節倍激
私衷恭惟某官威排山岳氣叶陰陽令德播揚不假

唐宗之飛扇清輝朗鑒何煩日匠之移爐祝釐與歌
渡俱喧寵命共沈碑不朽試對南風之阜請開北海
之樽其轅下嘖鳴恩先嗑蕩即此日之不卽殞越皆
日天之妙於栽培積有葵忱薄申芹獻筐無雜佩深
慚約臂之絲械致蕪詞敢托辟兵之篆伏惟汪度俯
鑒淵衷

賀馬二府中秋啓

明諸葛昇

銀漢秋高令節值平均之會水輪夜靜長空揚正潔
之輝玄毫喜薦靈丸金粟化生皓魄明飛滿目慶祝
微心恭惟其官手握璇衡胸蟠象緯玉壺在望澄清

天德難名藻鑑時懸拂拭塵埃莫掩更憐佛日重補
梵天意珠將明月同圓慧劍與慈燈共朗無分闡值
總屬昭宣矧列斗區敢忘星戴其神疲牧字目眩簿
書伏櫪無竒徒効轅駒之泣繞枝可借常懷烏鵲之
依乙夜燃犀倘蒙照破其肝膽此時占鬼誰能隱匿
其纖毫謹對千里之光聊達寸心之款臚陳別狀仰
企丙融鼎賜統涵曷勝寅禱

賀廣州彭郡丞冬至啓

宋人

日運璣衡欣際一陽之復星聯麾節茂膺百福之升
變日迎長福星煥彩梅開春早已報煖于南枝芝檢

星馳佇趣裝于北闕帝二天之庇逢七日之來稱觴
上刺史之堂悵無六翮吮墨奏小夫之牘徒有一枕

賀湯二府冬至啓

明諸葛昇

律暖灰縵欣際一陽之復春回鈴閣茂迎百福之升
式對昌期恪陳善頌恭惟某官德配春融氣排冬凜
黃堂贊化運陽開陰闢之機回戟凝香收時和歲豐
之效丈三日近共欣七日來臨尺五天低自慶二天
永庇歡騰鼎沸豫洽益流某學愧逢時仕同望歲履
長在望欲賡何遜之章襪進無能莫效思王之祝敬
甲寸草獻比背暄仰假重緹一噓口角

上郡丞

上兗州崔長史啓

長史為刺史官屬若今之武守

唐駱賓王

側承豐城戢耀駭電之輝俄剖沙丘蛇跡籥雲之轡
載馳然則激溜侵星佩潛蛟於壯武騰鑣歷塊騁蹠
駿於咸陽且煦轍波鱗側羨鼇潭之躍觸籠雲翼苟
望鵬隅之迅是以齊郊夕唱牛歌揆白水之詞漢境
朝趨車候驚拂塵之思伏惟某公騰瀾浴景濬靈派
以含珠擢榦梢雲翊淮巖而聳桂崇基疊秀匡霸道
於周盟茂緒聯輝贊文場於漢戚偉龍章之秀質騰

孔雀於鷦年叶鳳彩之英姿辨蟾精於弱歲靈臺宏
遠聘霄練於霜潭策府幽深絢朝虹於壁渚心波湛
漢詠魄曜於黃陂精岳于天韞風雲於稽巘龍津共
濟競欣登御之車燕室欽賢必攬澄清之轡鬱文條
而耀彩藻逸潘花曄詞峰而銜價光浮衛玉然則崑
溪既琢必見山川之精樹羽已懸行嗣雲韶之響是
以佐龜陰而演化務肅萬城翼麟壤以宣風恩覃千
里敝猷克著逾盛德於休徵聲績聿宣軼規模於恭
祖佩呂刀而劭美日替褰帷之遊屈龐驥而流芳將
叶順風之問加以側階引彥鑿宋子之微言倒屣迎

賓辨王生之雅量故使圓流之下探照乘於長波高
岫之巔剖連城於幽石其瓶簪小器鷓蚊末流斜帶
嶧梧戢晞陽之厚德旁鄰汶篠慕貫時之貞勁直以
容膝一丘曲阜之瓢遽切枕肱五畝成都之壁已勞
擔石厭於糟糠負薪疲於短褐然則少奉過庭之訓
長趨克已之方弋志書林咀風騷於七略耘情義圃
偃圖籍於九流洒惠澤於陽波屢泛文通之麥峻曲
岸於鶯谷時遺公叔之冠雖不能縱逸韻於霜臯喚
野致九天之響而頗亦蓄餘芬於露薄垂薰有十步
之芳而乃愆迹曾鴻悲荆山之抵鵲遙鳴韓犬歎稽

阜之橫梁方今玉管躔秋金風動籟吳宮歸乙望陰
岫以依遲素林返鳩候朝陽而低舉籛金味道之子
候纁帛以彈冠屑玉含毫之人望弓旌而繞足竊不
揆於庸識輒輕擬於揚庭所冀恩波時流咳唾倘蒙
分其斗水濟濡沫之枯鱗惠以餘光賑孀居之寒女
得使伏櫪驚蹇希騏驎而蹠足竄棘翩翩排鸛鷺而
刷羽則捐軀匪恹碎首無詞雖復投報揚金君子以
之貽惠効誠魏草小人之所懷恩輕瀆威嚴懼深復
戰塵聽覽迫甚蹈冰

候郡丞

候衡郡陳太守啓

明曾光啓

某備員下乘稽首崇臺生平願識韓荆州心懸鳳閣
此日得逢李司隸望溢龍門况隣斗極之光欲竊天
河之潤仰惟某官秀毓清漳文鳴八郡騰翎碧漢咫尺
風雲銜命彤庭依馮日月兵民平馭威惠並施行
李惟一鶴自隨清浮駿駕投醪而三軍共醉煖動戟
枝皂蓋拂紅曦掩映湘流之曙朱幡搖紫氣撥開衡
岫之雲佩猶帶牛四民樂業含哺鼓腹萬戶皆春且
加惠乎菁莪遂留情於桑梓津津提示終身比作葦

弦浩浩生成報效敢忘狗馬祇修候楮少布謝私不
盡瞻依統惟照亮

迎郡丞

迎高郡丞啓

明馬 朴

漢輔分符久茂方州之績虞廷宣綽特資佐郡之猷
慶溢下僚歡騰上輔恭惟某官望尊藝勳品妙珪璋
軒朗丰神一鶴廻翔于霞表迅冲才氣八龍奔逸于
雲中襦袴歌騰最績屢升于丹陛柱屏名重崇階遂
晉于黃堂况玉麟之攝久虛而竹馬之迎甚切衆仰
單敷五政詎惟弘佐六條某昔廁編氓今叨部吏聞
好音而僂抃情與衆殊馳柔翰以將迎神先役徃伏
顛形瞻鳳駕黃綬遄臨雨澤隨車大解淮陰之旱陽

和從律亟回燕谷之春

迎黃二府啓

公曾任常德起復仍補此

明李國祥代

湖北棠陰四邑誦仁陶于去後沅南竹隊萬姓欽德
耀于來重坐彌白鹿隨車臥治黃龍望府華分宦游
未屬喜騰鄉聚後生恭惟其官秀峙龍門英飛鳳穴
綴珠花于九曜森玉葉以五雲釋褐童江空驪駟之
群而獨驟題輿楚服培杞梓之林而並榮其霖澍鄙
屋以春膏福星照湖汭以鄉霽夜嚴惜燭朝慈揚蒲
向以讀禮東歸鶴擁車以一借今而從吉比上鸞解
佩以再臨載見草木色飛寧白赤蒼呼震

請郡丞宴

請武昌郡丞宴啓

明瞿九思代

材負匡時身當名世救荒理劇响嶮鑄召父之碑化
俗移風鄂渚播文翁之頌其等親承陶冶父荷栽培
天路秋清誤許中多絕足斗間氣紫過稱下有偉人
極意吹噓空群翦拂媿牛溲馬渤奚由用進天官此
木屑竹頭寧敢欽承國士惟餘拭骨盡欲刊心答報
未能消埃徒切謹詹日鋪張雨後輕雲聊布下心
假借花前好霧尊罍接座杯添漢水晴波絲竹分行
曲寫甘棠新字諸生起而為壽滿城聚以來觀駟馬

騰嘶人羨遠階之桃李三台報轉恩瞻傍闕之門墻
不勝翹雲伏惟除道

請鄭郡丞啓

明顧允臣

玉燭平分翔寒于忝谷壁輪飛照流景于萊城波含
遠近之車雲低重輕之蓋輕草喜生香于駐節野鷗
欣借影以朝陽謹誼念一之穀辰用展連生之菲席
迎朱旛以奉來燕喜炙商雲酌綠醕而親漸鴻醉延
永日擁茅簪于道左懸星斗于堂中

餞李郡丞啓

明何三畏

屬者時逢競渡節角長絲治粟大夫王秉軒而按部
司農使者將飛輓以趨朝某等瞻奉命于阜華戀分
岐于折柳喜值蠲除之會採艾陳詩欣銜餞別之杯
烹蒲進酒卜其晝卜其夜銜接轄以何辭宴而咲宴
而言願行旌之早駐惠然臨辱藉甚寵榮

會餞南昌吳郡丞啓

時陞南京中府經歷

明樊王家

治洽專城闔境仰循良之化恩深當宁陪都分鎮壓
之班去留關一郡之重輕離合切群僚之睠注敬陳
蕪席用展葵忱恭惟某官沆瀣仙姿渥洼神種臺上
重千金之價久占國士無雙江頭參五馬之行更見
治平第一憶自台臺光臨以往孰匪黎庶見休之時

唐書卷一百一十七
爲丞乃不負丞人如棲鳳居守即同真守目無金牛
上威旌異於無間之言下亦相忘於何有之力六載
恩深若海七八屬之銅章墨綬藉乃幘幪一官望重
如山十三郡之皂蓋朱旛於焉領袖政已騰於奏最
命忽降於遷喬惟秣陵實高皇湯沐之鄉而太府乃
國家干城之寄據三江之襟帶敢云君薄淮陽吊六
代之繁華知是名高建業某等自愧駑駘謬承鞭策
數載左提右挈豈繫異人只今送往事居應難爲別
公歸無所敬歌在戩之鱗魴樂且有儀聊薦臨江之
蘊藻豈特寫離情于几席尚祈領別教於韋弦

謝郡丞

謝王郡丞啓

召宴

明瞿九思

代

台臺天濶猶能記前月之觴江閣雲重又復展茲辰
之謁本欲修無窮薄謝分守編氓何期渙無已高恩
呼煩謁者廼膺寵召再費華筵從杯中講骨肉之深
情自席上領瓊瑤之妙論感過成泣愛感難名口舌
非長箋毫自短片所以昌蒙蓋載必鏤之於肝腑之
間媿無由答報崇高徒結之於精誠之外况後先之
泝及感浩蕩之榮施公子明珠何幸覩清華國瑞手
栽良玉豈徒稱卓朗人英乍見驚誇靜言駭異謹因

領夜來之美宴聊發宣昭內之私衷

謝王郡丞啓 禮遇

明瞿九思

猷畝雲深謬上山民之籍台衡地貴猥蒙國士之知
禮邁恩超典隆德大既長夜下南州之榻遂連朝開
北海之樽字字家談言言國計况其奉五部瑤笳而
出何殊得萬金良璧而歸此當傳之為希世之珍豈
但寶之作傳家之物且生平就節愛未嘗以一魚一
菜取自閭閻忽一旦示褒崇遂至以多馬多夫施諸
韋褐豈獨無節財之意亦不勝好士之心車馬光臨
街衢寵重荷非常獎借之語心膽猶驚聽不忍別離
之辭肝腸欲裂歸途風雨愈助悲悽抵舍紛拏難申
感結謹暫題夫尺疏用稍布其微悰展謁非遙敷陳
莫既

謝朱郡丞啓 召宴

明姜夔

聽鳥鳴而出谷假饌呼朋聚燕咲以遷喬新庖集客
群僚會飲異姓開棠棣之花滿座清談同心如芝蘭
之臭邊豆窮海山之產設席連三賓主盡東南之歡
呼盧喝六聖人賢人並列綠蟻無問黃流晝卜夜卜
相承金烏須繼銀燭客曰盍歌兔首之匏葉主曰請
賡魚麗之鱸鮓其飲同鷄口既無李白千鍾量比麴

賜亦乏汝陽三斗何當君子之有酒旨且多哉又况
庖人之烹蔬物其有矣目如入山陰之道接應不遑
腹似餐金谷之園芬芳相逼盛筵不再佳會難逢諸
大夫玉山將頽隻小子蓬麻自直

回答

回單監郡賀到府啓

宋孫應時

驅馳萬里涉歷三時甫合郡符少安官次深惟上指
思慰巴蜀父老之心所賴邦交共修曾衛兄弟之政
昨溷館舍幸承誨言猶勤行李之再三更枉函牋之
四六禮誠已過文又益竒敢言函拜之為煩蓋亦一
詞之莫措况在吾徒有襟期之舊蓋回古道於文勝
之餘一用真情請堅此約若夫耳目思慮之所及凡
可見規則毋毫髮形迹之或嫌悉以相告

答臨江丁丞啓

宋人

朱轡皂蓋豈但人生五馬之榮碧嶂清江盡在都城
百雉之內吳城葛井袁水蕭灘無嫌如斗之州正席
成風之刃不容席煖佇有輪迎其聯事方新歸興已
切叔度何暮定關襦袴有無令尹重來試問人民是非

答渾郡龔二守啓

明蔡復一

恭惟其官鏤詞斑管薰馨芳蘭生原玉之鄉合組夙
高於賦手濯沅湘之派纖塵莫浣於冰心鵬笑適以
將南鳳攬輝而卽下餐炎飲露一噓清醒之風朝丹
幕霞四仰晶瑩之照戈船下瀨甲日霸壯於水犀商
舶凌波旗颯不揚於画鷁身處脂而勿潤靜思金粟
之盟物在涸以必濡痛視繭絲之稅霖雖偏乎圭海
旁沃紛霏潮遠接乎浯江并歸浩蕩其受厖隣社領
障名藩令湘水兮安流竊愧我非其人也攬中州之
宿莽幸得賢者而事之忽承十部之臨難報七襄之

贈遲之遲而又久倍愁施先樂莫樂乎相知燕期德

回濟南孫二守啓

明許以忠

恭惟其官吳越真儒伊周碩輔蘇門長嘯九霄揚鸞
鳳之音虞坂英遊一顧長驂騶之價蘊藉夙稱名世
勲庸歷展王程構李談文輝耀五臺奎壁橋門論道
化裁萬國章縫蜚聲頌美於朝端晉秩分猷於歷下
擔當民事甘霖慧日以為儀振刷軍容紫電清霜而
著令泰山標德望業已雄禹貢之三齊渤海沛恩波
奚啻潤京師之九里循良獨最疏擢當降盖夢得居
饒風口之名冠裳辟易而侍中若繼雲仍之業袍笏
崢嶸其猥惟俗吏夙企仙標門幸登龍執御壽瞻芝
字符叨佩虎領麾幸傍槐堂正欲修馳候之忱詎屢
辱遠存之惠鼎貺非瓊瑤而可報衮褒豈樗櫟所堪
承感切心銜謝難筆吐

復屈郡丞啓

明

恭惟其官卓犖鴻猷玲瓏駿識三世奪長安之錦三
魁象近三台五年攀蒲坂之轅五花誥乘五馬銓曹
用相臣之請大明首䟽燕畿天子思守吏之難清秩
特班麋國韎韜壯而鹿角魚梁失色萑符藏而馬洲
鴛浦無波允稱先憂後樂之遺風式擁跨江帶湖之

勝槩四封競候列案交瞻其製錦無能鳴琴寡韻思
魯恭之大化微乳雉之仁即武城之小康來割鷄之
笑遂令菲采亦辱匏虛星斗日臨照耀必先吏隱薇
垣天近絲綸易達宸聰藉以寡過揚休端在名卿碩
輔荷紫金臺之藻翰覩八行親灑毫端媿牛馬走之
風塵即半札未函台右有銘不盡感德無窮

答朱二府啓

明王德乾

伏蒙青垂已稔烏愛猶勤追送徘徊聊共多人而扼
腕勞存殷曲如隔千里以瞻顏且微名借譽于宗工
知特眷將加于末學方銜舊顧又沐新施信不遐遺
何能寸報祗最戔戔之心力毋忘蕩蕩之恩波恭惟
某官謫暮廉來思長何去此身暫逸厥道彌尊况息
機而娛重誥慈闈而愜白雲之盼願性而宜五枝芳
胤會齊丹桂之稱既留柯上高名左萃楚中樂事此
至人雅尚元不繫浮華得失之間而卑屬神依亦想
見習俗形骸之外者也長跪開錦字乃從武昌之魚
拜手答蕪箋也托衡陽之雁戴深祝至語澁情餘

回揚州方郡丞啓

明樊王家

恭惟某官南州挺瑞上國蜚英天寶物華毓秀叶龍
沙之識文經武緯醞奇吞蠶澤之波雄名雅重於斗

山特簡偶陪于郡國褰帷布澤廣陵飛八月之濤露
冕行春隋苑絕千秋之焰偕雙幡而出入百千萬戶
咸歸衽席之中對一鶴以披揚二十四橋盡洗鉛華
之舊今日長堤柳蔭已看化作耳棠他年北闕芝函
佇待班聯槐棘某嶺海豎儒繩樞朽質况值鉅繁之
寄益深隕越之憂庶幾藉乃陶成倘獲弛於擔負蕪
葭極目空悵想於佳人草木逢春更沐光於華翰意
氣不忘千里宦情離合徒托鱗鴻殷勤願借二天厚
德高深容圖犬馬

郡判部

賀郡判初任

賀寧國婁府判啓

宋李廷忠

王言作命君子得輿居則監州分黃堂之半席出而
按縣使墨綬者前驅將親接於光儀敢預通於誠款
恭惟某官虎鳳生而文彩金玉發其聲音英英瑞國
之才本本名家之學今稱盛事孰若清門燭跋分光
草天上黃麻之制履絢振響踐斗間紫氣之躔屢多
接萼之竒端自蟠根之厚日輝桃徑水湄蓉池香名
上徹於九霄泥軼來臨於千里以高望壓賓筵之狐

趙以婉書贊卿府之龔黃邦以不空民焉何幸別駕
展良驥之足未快公言法從在屬車之間矜光世業
某辛酸一第困瘁半生縣譜無傳敢熟黃紬之寐吏
箴有守但堅丹石之心振起百頽歷當萬險幸農司
之婁稔且獄戶之常虛忽覩清明之天下照窮僻之
谷雖能持弩矢自憐末力之非強惟寬假轡銜尚喜
餘程之可到為文不敏有志莫宣

賀寧國趙府判啓

宋李廷忠

疏恩中陞易倅大邦磐石所臨皆犬牙相制之地屏
星再駕乃驥足始展之時負弩欲前奏牋敢後恭惟
某官才高於世行茂於宗燭代輝梁真是天人之眉
宇饜韓餒柳更多文士之篇章唾手取名飄纓得志
臨事恢恢乎餘刃居官卓卓而可書旋回補外之行
更迭治中之寄匪謂出幽谷而遷喬木盖猶就熟路
而駕輕車十行詔方下於日邊二州民已爭於境上
去辭康海來對澄江以端望壓芙蓉之賓以婉書贊
蘭蓀之守流王化於千里事半而功倍之登相位者
九人世異而調同耳其篤於自信多所不堪魯泮三
霜甫脫寒氈之寂寞制巖二暑又遭沸鼎之前烹弗
憚勞筋稍回生意欲豳殆荒於秋草蝗螟無害於穉

田固知不得罪於邦人猶恐特見呵於府吏題輿坐以待仲子今幸照臨寬轡策以假朝歌庶逃曠戾

賀趙府判啓

宋李廷忠

綸綍渙乎屏星夙駕與二千石之政事關决惟良爲七十里之附庸趨承伊始聳聽先甲進候中涓恭惟某官瞻智豐才明經達學周麟趾之公族素有賢聲唐虬髯之天人信非凡種三月遡河而直上萬里培風之益高尚取勢於斜飛乃收功於小試卽貳令之規爲貳藩之治移千室之惠及千里之民其猶熟路而輕車抑見發矟之新刃寬條初布顯譽四聞想中書堂已登其姓名豈外司馬可淹於步武佇來急詔趣上禁塗

賀邢倅啓

宋周必大

詔檢中頒屏星夙駕替管籥居留之佐屈逢瀛寓直之仙望實所加旄倪交慶恭惟某官英規玉立靈鑿瓊敷長缺短檠事業並風騷之將朱輪華轂功名非恩澤之侯方時左戚而右賢力革外輕而內重故資雋望詳試民庸蕩漾秦淮聊復問津於半刺岩異魏闕卽倍奉引於拾遺某積歲傾風指期託比願與紛紛之振鷺共親疊疊之談犀欣頌交深喻言曷旣

賀葉校書倅徽州啓

宋方岳

伏審夙駕緹屏聿臨練帶新安之山水大好要識行
秘書別駕之風月平分豈但半刺史聊復爾耳能久
此乎恭惟某官獨抱遺經追配古作故能奪多士之
氣取象魁三蓋嘗登太微之庭去天尺五胡以獲麟
之筆而監無懈之州如聞此來有欲為王留行者雖
曰小屈焉能使予不遇哉願紬金匱之臧丞侍玉皇
之案某柳橋一別苦塊三年素鞞已終曾索長安之
米青山無恙竟回剡曲之舟自憐黍谷之難春能到
草堂之幾日隔曲江之面幾若避於燕鴻寄感山之

詩尚相忘於鷗鷺

賀建寧葉倅啓

宋劉克莊

守相之官謂之按察子男之國責以拊摩諭瞻半刺
之尊旨贊一箋之敬恭惟某官文配古作經為人師
世無仲尼不在弟子之列後有揚子必好太玄之書
凡平生學問之所通多往昔儒先之未發素行孚而
士論定新義出而紙價高晚自江湖來游學省群仙
指點宜順風進蓬萊之舟丞相挽留乃拂袖去平津
之閣繫以千駟而不顧挽之萬牛而莫廻暫管領於
溪山且平章於風月然而別駕長史恐有待於賢才

國子先生鳥可免以吏事佇膺號召入近禁嚴伏念
某見擯儒家嘗謀邊事短衣射虎不願萬戶侯之封
精舍讀書寬作二十年之計因高堂之有母求小邑
以謀身近悉傳聞始知敗壞未嘗讀律既非凡案之
才素不言錢安得錐刀之智自量之審何恃而前豈
無矯強自勉之心深慮罷軟不勝之譴雖世無冷鑊
咸嗟作縣之難倘府有急符尚賴監州之庇

賀潮州魏倅啓

宋周行可

流恩玉殿羊刺金城邸報所傳輿情惟愜况併懷之
所逮尤鼓舞以知歸恭惟某官器略宏深風猷秀整
凡周旋當世之務皆從容適時之才當宁春隆欲共
濟中興之舉題輿望重姑試觀開決之能歷數前世
之英雄多由此塗而施設矧茲潮郡自昔瀛洲嘉禾
宛然韓昌黎之舊德豐碑屹若陳文惠之高風允藉
鴻才庶攀賢躅頌方自露展驥足于海鳴席想未温
來鳳書於日下顧茲冗品幸屬下風特遂鳥趨預深
雀躍

賀處州詹通判啓

宋陳耆卿

十行楓陛半刺括山當聖君重外之時誰屬佩刀之
贈屈賢者治中之任行觀岸幘之吟和氣先春驩謠

不夜恭惟其官氣涵鈞瀨學派象山鼻祖當年成績
具藏於勳府耳孫此日正傳丕號於名家人方眩鬻
以致身我獨盤旋而卻步兩顯劇縣惠利川流一佐
名城聲華風動僉期大用合有裏言屬逢黃霸之作
州又枉孔恂於監郡馨香二妙覆尊一同甫傳徒御
之環臨已覺旄倪之鼎沸上方顓俊公合舒翹雖遐
邇不係於戚休然出入頗關於輕重題輿閑暇固共
知逸思之長推轂紛綸行即聽褒音之渥某家無長
物室有餘書甚思菽水之怡愉無柰風木之蕭瑟未
哉行李凜若負芒蓋平時未慣於討論則今日孰為

已憑藉憂勞百日幸會二天精神未泯於春陽肝膽
已披於夜月非四海習鑿鑿豈能引領於古風遇百
里龐士元或可伸眉於此日脫免于戾敢昧所歸

賀邵州王倅啓

宋李 劉代

裏緹命駕別綬露章湖南二郡之豪雄今稱第一江
右諸王之奇俊願屈平分下車之初載路相慶恭惟
某官典刑炳蔚才諳俊明梗柁大夏之材久於聳壑
瑚璉清廟之器何乃潤山滿期留中還又補外闕為
濱水尚存漁父之滄浪匪直海沂可養公台之度量
飛騰由此翹企埃之某再轉無庸同寅有幸託交承

於隔政不但爲瀟湘之故人話契濶於期年渾未隔
京華之舊夢

賀鄭通判啓

宋周必大

載頒詔墨參駕屏星惟議論聲猷是焉倚重故簿書
期會非以煩公恭惟某官守道篤齊魯之風窮經承
漢唐之緒貫險夷於一節隆望實於二車肅肅旌旌
寅餞未離於舊國紛紛候吏歡迎已及於新疆少須
坐席之溫別奉細旃之間豈特兩持金節榮踐世官
固應三接彤廷茂摠賢蘊某接聞于此依庇有初識
士龍於雲間佇爭先覩陪司馬於方外尚托後塵

賀郡判考滿

賀朱倅考滿啓

宋人

恭惟某官秀掇天香價增楚璞朝廷廉采留鳧鳥以
居中執政踟躕展驥足而補外分鑣漕路操出納之
定衡弭節農司去徵收之宿弊煌煌泥軼奕奕佩刀
拜命三圖書勛九考清風明月平分裂名城而共理
高蓋華軒一丈半刺史以齊輝偉績垂成喬遷在望
其勞叨仕宦竊懷超軼之思分等耆黎忽洒攀轅之
淚齊州鶴去長隨綠綺琴邊燕市駿來合置黃金臺
上惟深感慕罔旣編刊

其德以山為靈對厥輝之思兮
 高蓋華棟一丈半徑東以齊
 拜命三圖青嶺六共書風即日
 平公舉各然而共駐
 安瀾世前皇后去烟外之商
 勉勉聖武輝奕奕風八
 岳中祥文燭燭其靈良而漸
 收全難曹器縣出內之
 恭勤其守齊對天香寶贊
 焚麩障我兼米留景鳥以
 賢米科美蕭香

宋人

賢米科美蕭香

賀郡判觀回

賀徐二府觀回啓

明諸葛昇

恭惟其官名香廡塔秀毓龍門台曜黃堂鳳嶺頓增
 嶽色星趨紫禁鵷班入侍高呼攜氣氤御篆之香見
 咫尺天顏之喜朱幡熊軾旋從日下馳來玄袞鏤金
 想自雲中頒出署勲名於玉柱鴻庇萬間覆姓字於
 金甌燕貽衆家其自揣迂踈過蒙掩飾恩深在宥方
 圖擁篲以效身趨職守羈縻尚遲望履而同虎拜恭
 布寅私薄言申賀惟冀龍矚鑒此螳忱

賀郡判生子

賀張三府生子啓

明李國卿代

虹樞表異正合璧之騰輝熊夢開祥喜明珠之在握
 歡傳屬邑慶溢充閭恭惟某官仁毓蒼黎德膺玄貺
 式歌且舞民翔召父之謠俾熾而昌天寵西平之胤
 玉骨與秋神並爽朱弧將彩紱同華磨一角而啓地
 符頌振振於公子鳳九苞而宣天籟歌藹藹於王朝
 豈數探環仍看取印其望黃華佳氣莫陪賓履於湯
 筵祝嵩嶽降靈肅被賀函於記室仰祈崇炤不任抃
 欣

賀郡判誕辰

賀桂州盧別駕壽啓

明連繼芳

日行北陸福曜肇於東陽山詠南臺壽域開乎西嶺
 拜手稱觥縈情祝雀恭惟某官鳳穴池毛龍泉斗氣
 七年漳令尹人快祥鸞三載桂司農史逃碩鼠維是
 丑建地統申降嶽神徐麟瑞于九天龐驥展乎千里
 天子爲委吏道在會計之中宰相領度支心遊錢穀
 之外惟屏星之借重使灘水之安流愛日字人煖過
 仙翁之吐火熾昌俾爾壽來老子之呈圖五城十二
 樓天上神仙授籙百年三萬日人間甲子懸弧

賀單設別駕誕日膺薦啓

明薛鳳翔

題輿望重有來十道之褒揚覆幬恩深興起萬家之
訶頌方最虞庭陟明之考適逢箕疇歛福之辰慶喜
駢臻歡欣欲舞恭惟某官蓬山仙品渤海龍文席上
懷珍果應帝王之聘治中別駕重膺荃宰之求肆茲
都會之交衝特拜旌麾而彈壓發奸摘伏都亭御史
之權弭盜安民京兆 之任才若雲而操比雪治
三年而心一朝請看文荐之鴛書安得久淹其驥足
蓋恩威之並著宜壽考之無疆當茲桑弧蓬矢之令
辰敬上芹獻葵傾之下悃

賀郡判元旦

賀通判正旦啓

宋戴 翼

曆日頒元欣際三陽之泰屏星增重懋膺百福之升
式對昌辰恪陳善頌恭惟某官炳炳文章之鳳振振
仁厚之麟聞望顯昂胸襟冲粹共仰泰山北斗平分
霽月光風屬鳳紀之更新宜龍光之鼎至歌騰康海
想驥足之難淹詔下自天佇鵬程之直上某幸依厦
屋倏轉春規無階修敬於壽觴謹用披誠於慶牘春
生別駕薰陶分屬邑之輝日奉辦香耆艾頌闕宮之

賀通判正旦啓

宋方 岳

詠之

閭闔開黃道聿新鳳曆之元燕寢凝清香誕輯虎符
之瑞春融葭管頌浹椒盤恭惟某官氣涵玉燭之和
識造機衡之妙昔無襦而今袴汗青邁紀於竹書言
如綽而出綸泥紫已塗於芝宇地天交泰朝野所需
某三見姒訾一歸垓北雲深戟衛諒鳴璆蟻泛之春
日轉觚稜覲鏘珮雞人之曉中和氣益熙皞皞詠均

回鄰州倅元旦啓

摘發端
自叙

宋李

劉代

龍杓回次協豐茂之嘉成鳳曆紀元新隆平之美號
其在温温之德宜膺嘒嘒之祺某賦分朱愚負承黔
鄙東風解凍不能消華髮之霜南嶽焉依安

得聽清
談之啓

賀傅別駕年啓

明諸葛昇

玉衡齊政光騰造福之星金斗回陽暖煦迎祥之日
淑星遙開華署歡聲近浹鄰封恭惟某官山斗望高
於赤幟珠璣選中乎青錢丹陛分符簡任循良之寄
黃堂佐政猷分師帥之曹聯熊軾之崇班齊驅五馬
展鴻猷之偉抱並屬專城上為朝廷縮軍國之需既
以充盈報效下為生靈恤膏脂之脉復躋殷富成風
齋捧入燕臺千里壯風雲之生色榮歸還楚甸一天
沾雨露之新恩惟茲太皞司辰喜遇勾芒布令蒼龍
起蟄正英豪奮迹之時紫燕鳴春實賢哲蜚聲之日

佇看鶯遷於上國快瞻鸞振於昌期景猥屬僚員幸
叨年末業葭倚玉莫勝連茹之榮駑蹇登龍深荷同
袍之慶禮優破格腹置推心邁此熙明聊致一片之
敬祇申涓滴爰抒百拜之忱仰冀麾存足仞光寵

賀郡判中秋

賀寧國梁別駕中秋啓

明吳明郊

桂魄揚暉穹昊欣逢光霽屏星散彩邦畿咸共瞻依
雅稱賞心睠言懷德恭惟某官伯鸞華胄鉅鹿名宗
智識焜煌並箕山之秋月恩波汪濊同宛水之春濤
爭誇袍笏家傳驚羨絲綸世掌早騰聲于仕路丹詔
榮膺旋展足于侯邦黃堂瑞繞萬戶民膏而坐恤九
邊軍餉以藉資咸稱別駕之功邦家膏頤預報宣麻
之寵鼎鼐符司臬謬治彈丸濫叨升斗仰瞻玉宇竊
幸照臨久沐洪波更蒙覆露茲當瞻光正滿謹貢燕

函祈申蟻悃微忱聊圖菲敬伏惟台鑒少慰塵情

賀郡州冬至 同答附

賀史通判啓 冬至

宋李 劉

葭律浮灰候臨小至棘評佐獄慶叶大來遠莫捧於
兕觥誠敢輸於魚素恭惟某官氣鍾溫厚德迺中和
傑然驥展之材監此龍潛之邸鸚鵡杯鷓鴣杓滿介
壽祺孔雀扇麒麟燼即儀禁角某襪材綫短泥軼水
寒乃分之宜詎敢耻狐貉之厠惟鄰是卜尚祈分燈
燭之光

賀胡通判啓 甲申 冬至

宋李 劉

歲在甲而得酒已回葭石之溫斗建子以挹漿正作

菊潭之壽星屏所舍雲氣可占恭惟某官德與時偕
道隨剛長千里分風月之半邦國不空六爻見天地
之心公侯必服諒裒純嘏即上清班某百念灰寒寸
材線短窮簷日短不堪輸炙背之忠別駕永清詎敢
作持杯之祝

回寶慶陳通判啓冬至

宋李 劉

清水出壑未皇瞻仲景之輿至日閉關乃倏領孟公
之牘既先施之不敏復倒置之可慚感君子之鳴謙
增小人之自訟恭惟某官德星繼晷喜氣排冬汗漫
九垓共佇舊瓊之復翱翔半刺暫增新府之雄召棠
之陰既成漢竹之符孔邇將恐合八能於鸞殿徑當
歸三點之鵝行其未遂披雲已深蒙霧無鱗徒名于
監郡不龜敢望於封侯蒙篤二郡三武岡之情特有
一紙十從事之况公歸無所亟觀孔雀扇影之還德
必有鄰尚憶狐貉緼袍之立

回嘉興楊倅啓冬至

宋李 劉代

圭日舒長頓覺牽牛之遠屏星絢彩益知展驥之長
諒當來復之辰丕擁疇離之祉伏惟某官稟姿温厚
賦政和明題別駕之輿流聲籍甚懷刺史之綬閣境
安之幸為嘉禾之民益廣甘棠之蔭某無由面賀猥

辱手書感佩高情藏但深於十襲嗟呵凍筆報有愧
于七襄

答楊通判啓

交代

宋陸游

瓜戍及期幸仁賢之爲代萍蹤無定悵候問之未遑
敢謂勞謙特先榮翰伏惟某官淵乎似道直哉惟清
風致雖高不廢應酬於衆務文詞甚麗要皆原本於
六經所宜問律於黃扉青瑣之間何至涉筆於赤甲
白鹽之下即聞號召遂涉清華某猥以陳人偶叨末
契道途逼遽僅能占報於記曹舟編軻我弗獲往迎
於市暨歸依之素敷叙奚殫

答張別駕啓

明羅振世

紗籠人品試展驥于題輿泥軼仕榮欲化鯤于解佩
先施寵甚後報慙然恭惟某官炳炳文章之鳳振振
仁厚之麟聞望顛昂胸襟冲粹共仰泰山北斗平分
霽月光風梗枿大厦之材爰于聳壑瑚璉清廟之器
何乃潤山志欲濟時仕不擇地屢顛劇縣惠利川流
一佐名城聲華風動祛蠹若陳公祛鱷頌起神明保
黎類賈父保嬰功參造化寒潭秋潔幽谷春回雖邦
人願少借于王祥然天子已深思于賈誼某再轉無
庸同寅有幸自分尺寸之株不足取材于巨室涓滴

之亦何能鼓浪于洪波乃者雁帛遠出于鳳池遂使
李生增價魚素下臨于茅屋頓令蘇子爲榮故曲高
和寡雖曰不成報章而同心斷金維云末以爲好伏
祈朝夕訓誨方免負乘之羞左右提携始副同舟之
願

啓集近體卷八十八

類函一百

東吳俞安期羨長彙編

上饒王嗣經曰常同輯

建武鄧羨遠遊訂定

郡僚部六

賀郡理初任

賀潭州趙郡推啓

宋李劉

下邑椽曹之卑謬茲祭竈上府元僚之重正爾秩筮
妄欲托桃李之場盍起敬芙蓉之幕恭惟某官身端
行治學廣聞多禮樂宗英其賢城也遠矣詩書元帥
以禮羅而致之湖南之客多賢姑紉蘭芷天祿之書

當校行薄蓬萊其弄筆得官代耕求祿輕舟主簿奈
何凌萬頃之茫叢桂王孫或者哀衆芳之穢

賀李司法啓

宋李 劉

被命帥連屈參郡畫聞風已久幸分鄰壁之光易地
此來良覺賓筵之重恭惟其官蟠根奕葉騰茂飛英
古錦爲囊非瓦棺之奇詭飛霞有佩足金薤之光芒
胡爲繡節之家猶屈墨曹之掾此州斗絕每事冰寒
茲乃得君子之寮必能圖仁人之利其強顏乘障束
手面墻倒屣相迎何幸一賢之入幕同舟共濟庶無
百姓之填溝

賀福州周司李啓

明蔡復一

恭惟某官讀二酉之異書撫三湘之芳蒞箱推世授
笏紀牀連蓋惟忠孝詩禮之相傳故有文章才品之
特出岫嶺鏤彩謂當黼黻於帝碑雲夢徵風何幸振
揚於海甸于門種其慈福仲子著其片言盆覆鸞潛
影太陽而呈奇狀霜厓寒葉噓元氣以生春容鬱鬱
榕陰即滿甘棠之芘戔戔鼓岫行摩肺石之歌矣夫
緯有共宗則攀斗所以獨仰波有餘逮則飲河所以
知歸此某敬梓之悰與嗅檀而並結燭隣之跂望照
乘以彌殷者也况安石有玄三子舊聯蘭玉之譜而

歐陽交愈一弟新附龍虎之題識荆固封侯之可輕
請李亦通家之自引伏惟慈帡既廓下體之葑無遺
遠鑑斯懸迴向之葵必照采其彛彛之獻而矜其款
款之愚則寸丹不渝百朋非寵

賀曹司李啓

明曾光

紫禁需材預試紀綱之選黃堂佐政爰資畫諾之規
洵非賢之不居維得人之是慶恭惟其官家聲華胃
世濟大名倚馬摘詞七步不殊其敏捷蟠書柱腹八
斗盡屬其苞羅埋輪不夜之城冰心俱徹岸幘大冢
之石矢志不移謂宜先據乎要津孰意遲回于薄域

按部風生鳳渚寒惟雨足龍旂聽訟猶人輕重低昂
不差鬣首片言折獄扶撥枉撓豈失鍼鋒蓋左畫方
右畫圓昔有恢乎餘地故駕輕車就熟路今益卓然
有聲某工慙製錦化歎鳴琴燦彼斗垣知福星之在
郡服茲牛足瞻坤鳳以無階特布魚緘敬申雀賀聊
寄心乎消壤終拭目於巖廊

賀承天尹司李啓

明夏 鷗

天眷帝鄉奉福躋而朗照民脩何幸徼甘澍以鈞滋
光耀方城歡騰闔屬恭惟其官開談捲霧蘸筆迴瀾
闢四照於詞林清九流於心鏡蚤登甲第才冠三巴

簡命興都譽喧萬口朱藩迅擁頓披千里之仁風皂
蓋飛臨遙傍五雲之春色謨猷等壯於五華膏澤同
濡於三峽固知握樞都要所受無涯而任鉅肩鴻緣
茲發軔某幸叨阿吏株守潁陽鷓鴣幹獨棲慶有樾林
之大蔭蝸涎自潤勤思瀚海之洪波策竹馬以前驅
無由縮地仰琴鶴之戾止恒切瞻天敢披尺素於荒
笈用展寸丹於紕織懇祈電矚槩賜淵涵

賀廬州王司理啓

明諸葛昇

星麗斗城聳觀持平之鳩政風敷雷邑崇瞻秉正之
鴻才敬藉魚緘歡均雀躍恭惟某官虎林峻閭鷺嶺
竒標筆海驚濤傾瀉兩湖荷露詞峰疊嶽搏扶九里
松雲皎皎然出壑之水恢恢乎餘地之刃是以綴梯
丹桂風塵取勢於皂鷗依幕紅蓮霜憲直陪乎驄馬
江之比狐狸雀鼠竄首疾驅淮以南鸞鳳鷹鷂澡躬
受察某聞名最久竊比方新道左挹龍光自托樓臺
而近水雲間看鷺擊終驚節鉞以搖山然賀慶既成
而繞枝可借將茲菲弊紆以荒賤用罄葵藿之赤心
冀賜粉榆之青眼

賀寶慶高司理啓

明王德乾

聖域開文獨著英竒于渤海相才為理仍煩明允于

濱江下車先播丰稜同榜何勝踴躍某官鐵門望闕
珠山起家中原尊天下文章當今蘇氏上黨試膠西
學術踰古蓋公帝知稷契高標簡在宜依天表人上
呂韓名輔大都預借雲司且念距荆接廣之區平反
多事素難控峒制谿之略彈壓須君遂特勅以中除
遄捧綸而南指會見求生必得歡呼訊法無冤昔周
茂叔曾攝此州士率民懷吏畏又歐陽觀三膺斯職
綿歌隨頌頴稱茲同治行之無前偶亦平刑之再歷
聲聞益遠寵召方殷某驥附長安名玷薦書之後鷓
棲太末力輸游刃之餘悵契濶于頴行喜音傳于邨
字第同心楚越思西方之美為勞而繫足衡湘庶北
斗之瞻稍展馳一介以燕賀代千里之龍登日跂爾
翰秋惟白玉

賀漳州王司理啓

明連繼芳

法案對天風清海嶠覆盆瞻日雪漾冰壺弼教以明
刑得情而不喜恭惟某官瑚璉英資泉阿神物締址
瓊峰吳巘蔽武夷之景圖基珠溜閭流沃漳水之波
三千字縱橫宜盛之白玉之署二千石明允暫持乎
丹霞之平謂陽舒陰慘之微差則春殺秋生之迥別
霜露無非教豈專嚴肅之威天地大曰生中寓孽萌

之德聽訟何如尼父之無訟不寃莫如于公之無寃
茂草鞠園扉大理有烏巢之獄兵衛森画戟平江凝
燕寢之香某奉身西夷之人延盱東谷之曜衡門之
下桃李成蹊桂水之濱草木同味幷幪分萬間之庇
鷓鴣借一枝之棲响沫甚明詘班行而為禮休靈殊
渥望高景以低徊回首龍江叩頭鯉腹

賀郡理署印

賀廬州王司理啓

署府篆

明諸葛昇

叱馭行郊登觀九霄紫氣握麟視郡諾嘯千里清風
方就日以為榮迺瞻天而趣覲式憑子墨略罄寅丹
恭惟某官異稟星精篤生天目振藻擅奇於霞鶯掇
科標雋於雲龍宜北樞膺喉舌之司暫外臺佐耳目
之察眼明赤電鏡懸莫遁鬚眉嶽曙青天盆覆真能
骨肉是以香凝画戟席正黃堂前人未盡經綸儘足
施補袞之妙手後來出新意思抑且顯發劘之利鋒
未論山岳動搖更見淮淝帖息譽命初揚有如此勲

名遠到其必然伏念某蔭竊粉榆寡同杖杜難追後
曹之對責應其下考而自書襍被啓途綴離思於鷓
喙馳函記室展賀悃於鴻毛倘干罔于六條莫續依
劉之願或瓦全於一日重新御李之緣伏冀海涵曷
勝岳戴

賀郡推典試

賀林司理啓典文武
兩關試

明諸葛昇

撒棘都南桃李艷芙蓉之幕選鋒淮右薪標關茅茹
之門文談偕敵愾俱張福星與奎躔並燦揚眉贊善
拜手齋忱恭惟某官蛟鳳詞宗電霜武庫振三五六
經之羽翼羅二十八宿於心胸明鑑懸永覆其益而
必照化爐點雪躍于治而皆祥露冕乘驄鼠社狐城
屏跡虛弦落雁鯨波鮫室消氛今天子壽考作人並
受王明之福賢執事慈虔較藝充資師匠之功乍陳
禮樂三千竟傳心於衣鉢夙富甲兵百萬復肆目乎

韜鈴龍虎榜中森森玉筍熊羆隊裡矯矯金城自我
朝取士以來稱予歲得人為最蓋未有一時而兼逢
其盛兩闈而並主其盟者也其拳曲無文蹒跚不武
報報似增顏甲洋洋莫按心旌幸歸陶鑄之中鐵錐
頑而可化欣附門墻之末玉以倚而為榮別有臚陳
統祈鑒亮

賀郡理考滿

賀毛司理考績啓

明曾同亨

三載明刑坐擅平反之譽九重課最行膺特達之知
士庶交歡山川增色恭惟某官淵源世德金玉家聲
才迥出于人前名久馳于吳下看花燕市人誇擢第
干妙齡司理螺川帝特簡賢于劇郡剛不吐柔不茹
襟度端嚴溫而厲公而明風采凝峻虛懷折獄境無
冤民隨事得情人稱老吏驅馳四遠終歲之轍跡靡
寧調劑百方萬口之頌聲如一陋深刻之趙蓋婉仁
恕於于張當感事之甫臨知上恩之渥及矧乃酬報

功能之典適在綜覈名實之時章服輝煌榮增兩世
製詞褒美寵晉一階大副報君報親之心益勵為忠
為孝之節某猷承德澤倍切歡欣跡暫阻於鳧趨情
先申于燕賀伏願首承徵召蚤列清華九萬餘里之
鵬程搏風伊始二十四考之鴻烈策足自今問俗熊
車光紹君家中丞顯祖之芳軌題名麟閣遠追名郡
文恪諸公之休聲不盡悃忱仰祈涵鑒

賀朱司理考績啓

明燮 煒

績懋循良樹甘棠而歌蔽芾政成課最佇丹詔以召
台衡喜溢龍門心勤燕賀恭惟某官學富五車胸羅

萬象勢壓匡廬之峻氣迴彭蠡之

嶺貫星拱映于中

天使節遙臨于宛水化弼回裳不

數渭橋之罰祥懸

肺石應高駟馬之間答閭里之庶每事推心置腹躬

吐握之行幾迴折節下人頌已出於于與人謠實與于

章甫紀績旂常知御屏之首錄策勲天府識睿鑑之

先收豈翅民歌夫召杜直將接武於夔龍其猥處閒

曹切陪末屬荷萬間之廣被時藉帡幪感一氣之洪

鈞曲加陶鑄鼇山頂戴鯨海魂招覩茲譽命之升鷁

鷗博舌佇聽絲綸之召弁雀揚眉伏冀台慈俯垂鑒

賀廣州司理陳公考滿啓

明王 焄

羊城慎罰曾無肺石之號鳳闕奏勛時聽口碑之頌
望黃堂而拜首仰朱轂以陳詞恭惟某官具瑚璉才
負斗山望生當閩國鍾文章秀嶺之英系出太丘承
肇慶使君之澤向韜光于豹隱已稱東海之明珠乃
應會而鵬搏遂作中朝之拱壁宜處木天之地暫司
城旦之書運甕齋中勤政不殊陶侃酌泉江上清風
奚啻隱之奉三尺之秋霜沛一腔之生意赭衣絕于
道路遠邁定國興歌貫索空于星躔上與臯陶比德
政成三載值虞廷考績之期命報九重擬漢室謀功
之最某業慚蟲技情切燕欣樗櫟散材其見遺于匠

駘下某敢希顧于孫甥詎期造化之無私適遇

陽春之有脚喜遂瞻依之願過承振拔之私揣分胡
堪捫心知感沐恩波而似海浩浩難名荷仁覆以如
天巍巍罔報恭裁尺素申賤悃于消埃敬竭寸丹達
微衷于左右二天翹首犬馬難忘千里馳神關山難
越伏願光分斗極終藉輝于蟻封澤普江河永資潤
十斛轍

賀胡四尊奏績啓

明夏 萬代

績懋循良遍處甘棠蔽芾政成課最連篇華袞褒揚
斗比騰輝漢東競聳恭惟某官筆下縱橫勁挺中天

之桂人間科第名魁入彀之班既拜命而司平惟得
情而欽卹心澄止水天地爾我所知望震衡山走卒
兒童咸識摘奸伏于洞肺軫洞瘵于切肌葦戶陽春
陰霾盡驅一日鯨波無浪淑汎遍播三湘撫字既勞
栽培允篤光搖藜閣二三更不憚校讐風動泮林十
五郡均蒙嘘拂士民共戴上 交推頌聲已協于輿
人最考遂登于天府駿烈隆 載一時衡鑑無雙龍
章下九重千古顯承有幾允 乘陽邁運吾道大亨
宜乎仰斗承風人寰胥慶其 叨厚庇倍結深歡持
公是于波流察微忱于悃悃 心已極雀抃昂勝第

身繫卑官未繇展賀手披短疏冒奏記存凡附獻之

區區一積懷之懇懇惟祈洞照特賜汪涵

賀蒙四府入賀并考滿啓 明徐 榛

喜動龍顏日麗九天之彩歡騰鷺序崧傳萬歲之呼
映劍履於星辰萃簪裾於閭闔樂逢聖節寵賜繁禧
恭惟某官梅嶺翹華蘭湖濯秀聳二山之氣宇高並
層霄聚八桂為精神芳傳四國聲望厲黃堂之法風
裁儼烏府之模執圭璧以告成適電虹之流彩二十
四考遠追尚父功勳八千萬年共祝天皇聖壽具鴻
名之首載定鸞誥以高頒遇際無雙恩隆不次凡我

粉榆下士共後楓陛馳封仰觀台駕之北轅行見徵
書之南下箋枕喙短跂賀心馳聊修別楮以臚陳尚
冀台慈之統納

賀陳司理考滿啓

明

古人刑期無刑仁流三尺之外明公訟使無訟廉持
一郡之平官擅神明英含卓異恭惟某官毫翻春潦
胸湛秋霄庫貯丸經宜在木天之署龜稱五總暫司
城旦之書念刑辟出入之間關化工慘舒之運側身
法案若對青天忍使覆盆思瞻白日震春霆於近侍
蜂謝稷而狐謝城懸秋月為鑑衡鼠誅牙而雀誅角
辜陶久作士平反在三殺三宥之間廷尉無冤民祥
刑非一朝一夕之故當司勳奏最之日實孝子尊親
之時鳳銜綍而來龍篆章斯耀於皇象服有偉袞榮
司刑無鬼哭之庭活全數萬齊諧有鯤化之海水擊
三千濯濯囹圄之空滾滾臺省之陟某味同草木風
異馬牛何年合暮雲之杯不時興夜雪之棹三秋隔
一日每觸鳴嚶千里在寸心有如談面

一日我願與數千里并下以百收結回

異無半何半合暮空之林不却與交雲之酥三不外副
三千望墨因圖以空空空空空空空空空空空空空空
同既既既既既之我古全姓萬濟借有顯山之我水攀
之却似齒森而來請業童旗銀欽皇泉明有貴榮榮
既非一博一文之姑當同博美最之日實等子會縣
皇商入於士平又丑三幾二官之間我保無發另新

賀郡理生辰

封公附

賀王司理誕辰啓

正月

明崔儒秀

元始春生三陽迎泰長之會初揆皇覽千年興豪傑
之期冀葉乍放於堯階桃實榮升乎華宴黃堂瑞藹
赤縣歡騰恭惟某官明時碩彥熙世偉人稟嶽秀以
毓祥感星精而誕命碧鷄金馬瓌材迥越於王褒白
鷺青天藻句展齊乎李白有倫有要持平法邁種之
英惟恤惟欽浩蕩踵下車之德口碑遍壺關上黨祝
過華封心旌徹墨綬青衿戴深趙日培八千於楚甸
由知烏鵲和鳴翊五百之昌期盡化蒼鷹奮擊勛名

隨弧辰以鼎威筭同川至而日升薦剡達楓陛以高
題語惟壽民而壽國屠蘇翠栢兼傳南極之罇人事
天時並荷東皇之勝下吏威際恭逢心履化鵠俗塵
匏繫勢阻鳧趨下里攄誠竊效岡陵於魯頌芹私佈
悃聊明葵向於幽風俯賜亮涵不勝榮抃

賀高司理薦兼端午生辰啓 明王兆雲

柏臺馳薦剡芳聲已震於朝廷蒲節近壽筵遐祉應
齊於海岳合九屬以騰歡修一函而展敬恭惟某官
玄覽天人之奧博綜丘索之華乃以調鼎之大才暫
借明刑而小試烹鮮罔滯剖疑繁于剡犀游刃有餘
凜神明于聽棘訖于威訖于富揚輝備及于覆盆不
能欺不忍欺摘伏何煩于鉤鉅茲承臺薦允愜輿情
江頭待鷗鷖之群飛雲路俟花驄之獨步三事九列
從此權輿百歲千齡又當臨屆夏景重瑞陽為上公
之嶽誕壽星騰瑞靄臨元老之台垣日映榴花並蟠
桃而耀色風吹蒲醅度瑤草以生香長命縷預緝人
間赤靈符遙頒天外某方賴弘庥欣逢盛事末由躬
賀徒切神馳聊效盤餐之薄將仰冀滄溟之俯納

賀王四府封君壽啓

明余鍾英

千里名邦不荷繼承之澤萬年君子弘敷啓佑之仁

宜福祿之攸同若竹松之常茂欣逢華誕適值春和
恭惟某官蒼精挺秀恒嶽鍾竒才稱三輔之良識邁
一經之教遂陶成于麟趾來建節于龍鄉恩惠高翔
喜陽春之有脚威稜時振凜冰蘖之無私乃試政未
朞月之間致下吏有二天之戴茲當青陽令節勾萌
悉達之時正值白髮高堂引曆期頤之旦翠蘭丹桂
嘻咲繞膝而同歡墨綬青衫洞屬捧觴而再拜共迓
千秋之算同申三祝之詞慶洽冠裳爭快觀南山之
壽歌騰里閭竚看承北闕之恩無敢翹瞻莫殫頌臆
謹修庭獻肅具左方

賀郡理生子

賀屈推府生子啓

明許以忠

天上送麒麟喜報祥光掩映人間生鸞鷲預知大杉
爛爛瑞藹黃堂歡騰赤社恭惟某官屈產龍始楚洋
燕譽平反懋績群稱呂氏祥刑欽恤宣恩廣積于公
陰德果應多男之祝聿當舉子之時毓湘水以揚靈
夢昂星而發秀弧懸疊障際五百年名世之期胄出
三閭衍數十代玄孫之緒若伯若仲若叔季將垂景
運以迭興爲彪爲虎爲熊羆已兆禎符而大用其有
懷贊喜欲附鸞言第媿顛蒙莫詠弄璋之句惟瞻光

顯請高容駟之門薄采溪毛侑旌賀敬伏願金閨新
拜寵榮登鼎萬之班玉樹蚤承芳世掌絲綸之業

賀柳司理生子啓

明

頭點朱衣起莊溟萬里之翻胎含白鹿產君家千里
之駒草旣茂于公之門槐應植王氏之宅恭惟其官
持平一郡全活萬人折獄明允好生得情哀矜勿喜
當桂子噴天香之日正柳公種玉樹之年瑞來天上
麒麟數滿河東鸞鷲豐城再添一劍陳廬運誕三堯
蘭水發祥桂山獻秀狄門欣多桃李謝砌喜茂芝蘭
卜他日之岐嶷傳我公之弓冶某辱拜下風情聯倚
玉恭逢彌月譚多弄璋羨子厚門楣英來跨竈慶公
權衣鉢瑞衍充閭賀有食坐媿無饋鯉

賀馬司理元旦啓

賀馬司理元旦啓

明許以忠

鳳曆頒元布祥光于海國鴻鈞催暖映春色于芙蓉
瑞卜中天榮分下邑恭惟某官渥水龍媒楚圻雄伯
文章宣五色昭回雲物書祥政令信四時脗合歲功
順序日轉東皇之候歡騰南服之歌絳帳布春風解
凍鞠圍扉茂草銅標開旭日揚暉籠訟掖甘棠履此
端辰應來鼎盛

賀揚州林節推午日啓

明諸葛昇

歲星更火邦溝呈瑞日之光法曜當陽隋苑覩卿雲

之爛蒲酒藉蓮歌三祝永山與雪獻同清恭惟其官
繡虎雄才烹棗勁節香名動地鵬搖擊闔海之波石
畫擎天驄避叱迎鑿之馭奉天之憲如水斯平朱明
倏屆於天中閭溜悉通於末照鼉鳴白水斯民遊貧
嶠之嗑蟻泛清觴寮吏坐清涼之國某備員宇下識
一緣慳在宥恩中生三義切迷樓日極空懷競渡之
歡大厦神依雅負獨醒之願

賀應天府林節推中秋啓

明吳明郊

萬寶告成閭闔露如仙掌三秋屆節絃歌夜過侯封
時序方新人情咸感恭惟其官風姿應雲霞之
亢和靖之芳宗名標春榜破錢塘之巨浪氣壯秋濤
渥承北闕芝函榮敵南都蓮幕彩毫裁賦攬勝蹟于
六朝丹筆祥刑寓仁心于三尺虎踞龍盤之地帷寨
遍訊民情鳳軒鸞翥之鄉簾捲遙瞻王氣暫司刑憲
佇握衡鈞其才非竹箭職媿銅章念切觀光隔長江
于天塹心懷展賀寄微悃于雲箋檢點侑函殊增顏
恣遙臨削楮倍覺神馳不盡洎衷統惟電鑒

河漢南浦... 三夫... 守... 國... 六... 皇承... 夫... 賦... 賦...

郡理

上劉司理啓

宋孫養晦

儉幕春容喜見芙蓉之泛
郊堂奕燁仰瞻槐棘之陰
擊水三千奮鵬程於溟渤
去天尺五隸仙籍於蓬萊
來司柱後之文即促席前
之對

赴任上推官啓

宋王清仲

姬宗奕燁仰瞻葛藟之緜
儉幕春容喜見芙蓉之泛
匱為際遇行遂趨承敬奉
尺書敢通丈席恭惟某官
銀潢稟潤玉牒聯輝江夏
之略而河間之賢朱虛之
忠而東平之善麟千年而
一角聲譽卓然鳳五色而

九苞文華燦若信振振之公子為蹇蹇之王臣方發
軻於華途姑借才於從事登樓興逸款秋夜以清談
柱笏牙高致朝來之爽氣即膺薦剡妙簡宸旒擊水
三千奮鵬程於溟渤去天尺五隸仙籍於蓬萊某鈇
槩腐儒箕裘末學分隨太史牛馬走之賤濫登正元
龍虎榜之科初試尉曹未閑吏事居
之患動
多槌埴之虞所賴依仁少稽曠職何其幸也獲披宿
霧於公堂又有甚焉願借餘波於君地

通郡理

通李府推啓 交代

宋王 邁

數江西人物之英公為先達備湖南賓客之數僕在
後塵成將迫於及瓜榮何深於御李恭惟某官筆補
造化才妙天仙崔嵬喬木之家芳猷可挹璀璨其棠
之笏舊眷維新入之美甚於門聲之欲稱其實督察
大府見稱三尺之明司讞圜扉曾活萬人之命合請
堯階而徑上其為鄭鼎之爰書群焉交口於公朝識
者刮目於要路歸裝趣辦肯為画戟之小留温詔飛
來行踵霜臺之舊事伏念某少而殖學貧則賣文讀

相牛之經分其襍禩圓得鹿之夢誤綴簪纓父瓊方
青而獲還母髮已白而待養苟祿仕則僅可知平政
之謂何所賴告新之必忠庶幾仍舊而無改託雲仍
自今日始篤風誼為忘年交冒馬一來恃此無恐爭
先觀鳳心馳客路之三千由後續貂力企前規之一萬

通趙節推啓

宋孫應時

居君子鄉夙仰周盟之貴重從大夫後更瞻郝幕之
清高內自省其不才幸有恃而無恐修辭為敬望賜
實多伏惟其官風姿清明意度宏雅高辛氏八才子
鞞隸萼之相輝其泉官千里駒倚桂華之先權剖世
故於游刃追古人而着鞭鞞翔大邦領袖群吏婉畫
傲告佳聲藹聞諸公方爭薦之要路直易致耳其本
非作温飽計正未免饑寒驅輒求字民以便將毋迹
單無援責重易危竊賴君侯曲存雅故子羔之書未
讀將往學焉穆公之側有人其知免矣

通張府推啓

宋劉克莊

幕下簾僚事權至重道傍試邑憂責匪輕屬當受察
之初輒請通名之禮恭惟某官天才竒逸世緒清華
觀玉樹琅玕之標覺我形穢挹金莖沆瀣之氣使人
意消以庾謝之風流加曹劉之才思夫何恬退尚此

滯留蓋初潛之地素高故上介之選亦遠竊聞公子
素懷魏闕之心將有神仙共引蓬萊之路某功名事
左耕釣趣深攀龍附鳳而化侯王彼皆有命烹羊烹
羔而作伏臘聊以忘憂昨忝封男蓋謀將毋豈謂煎
熬已極揀藥莫施不勝臨深履薄之危預起向洋望
海之歎惟公談笑係俗戚休雖縣譜未詳恐剗裁之
不及然藩條具在苟遵守則有餘

通劉司理啓

宋孫養晦

試三語之掾夙高望府之稱調再轉之丞姑取術陔
之便一封馳敬千里定交恭惟某官才刃敏明量波
澄澈英靈顯脫光已射於斗牛翰墨天成力可排干
風雨未促前席之對來司柱後之文一念平反及於
於所喜三童清簡洗濯于不寃公既多治獄之寬天
豈靳活人之報某却於操瑟來此對松寒鷗鷺之盟
已大違於雅志程鳥驚之進豈無賴于忠規先此懇
祈爲之傾倒

通江司理啓

交代

宋劉克莊

鄰境注官方嗟失馬邊州除吏誤使續貂煩出命之
逶迤欲通名而縮瑟其官品流英邁胃緒高華世有
聞人遠矣衣冠之盛家傳儉德凜然水蘖之清謂宜

王立于班行何乃泥蟠於州縣可片言以折洞知獄
吏之欺活千人者封行見門閭之大聞當詣闕別處
登畿某其向閩中忽移塞上青袍行路誰憐杜老之
貧白浪沈舟幾殉彭咸之死甚矣窮途之可嘆坐於
榮路以有妨法令為師方未知淑後之計藥石愛我
必無斯言新之言

候郡理

候熊郡推啓

明夏守成

黃堂司理凜百粵之秋霜絳節巡行潤萬家之惠露
歡騰下屬喜頌上公恭惟某官冲天豐劍耀日南金
行班耳目於清朝南斗漸依北斗暫借股肱於名郡
文星化作法星緣持正直鴻裁合典澄清鳩政奉天
之憲如水斯平炎海魚龍盡入燃犀之照瀧江鳧雁
佇瞻驄馬之臨某粉榆末植檇櫟備員親趙日於桑
梓之間千載幸依夏屋戴蘇天於照臨之下千年奇
遇春臺謹緘一縷以狺忱神捧龍光咫尺肅上八行

啓集卷之八十一
而祗候佇迎鳳彩雲霄伏願貫垣吐曜分剩照於幽
郊珠海流膏溢餘瀾於末派荷德難名報恩莫既

候郡理啓

明王兆雲

帝心特簡已徵薦剡之高題台體復和佇見勲名之
益盛蓋明允之賢必爲人所推而柱石之軀自有神
克相恭惟某官明時碩彥命世偉人縱金擊石駕高
適之瓌材霞爛雲蒸邁陸機之藻句受嘉師而有倫
有斐配帝命而惟恤惟欽胥人糜沸無擾烹鮮薄牒
絲琴罔停游刃沛其霖于九屬仁甦匹婦之冤嚴烈
日於三秋明並神君之察用是化蒼鷹之奮擊治眉
無刑來烏鵲之和鳴功成止辟薦書已達于九闕綸
乃將先於三楚某前叩庭階偶值調攝茲太和元氣
已還玉體而復康不興微忱宜託管城以上達敬修
菲獻用展芹私伏冀茹涵曷勝榮并

候李司理啓

明趙世顯

恭惟某官長水蜚英清朝擢秀鴻名赫奕載揚北海
之休麗藻輝煌高步青蓮之武拜恩天闕司理江州
蒸藜引領以思仁徃行刻期而望直某幸叨末屬尤
切仰瞻即思負弩遙迎以躬承乎法從其如執鞭鞅
掌難擅離乎職司敬馳一介之微用申尺寸之悃仰

祈崇昭慰此私衷

候蘇州林司理啓

明許以忠

恩推周興年來無肺石之辭化洽吳封到處有口碑
之頌藉慰楓宸紀績幸聯桂籍分榮恭惟某官商衡
賚彌閩嶽誕辰抱紫薇拱帝之心欲鈞陶乎四海借
黃閣調元之手先司理于三吳獨垂哀矜勿喜之情
共養清淨和平之福蓋香案螭頭之側業已紀錄勲
名則屬車豹尾之間會即趨陪法從某依光章塔沐
愛程門數載棲遲自分郎潛無狀一麾出守謬承王
事重加心殊惕于飲水神切馳于仰斗庶微餘庶克
副竒逢馳一牘而叩闈仰二天以垂鑒

候阮澹宇司理啓

時被讒家居

明林徵材

恭惟某官雄名振世翻增里耳之疑高調超群遂觸
褊心之怒然太虛本澹浮翳當銷市中之虎非真杯
裡之蛇是幻毫舒雲錦莫為投杼遲疑劍韞虹光自
有干霄氣色嘒嘒攘臂敢逆而妬婦之鱗墨墨探玄
抑順此哲人之覽况造謗者豺虎不食其餘出世者
鸞鳳莫知所往修而弗辨用之則行吾師其清虛之
選客雲霄之勝賓耶某向處籠中今遊果核甌塵易
滿未逢庚癸之呼琴瑟難投反作傲睨之態么麼可

棄昔年既辱垂青恩紀如新此日常懷報赤敬尋鴻
羽少致衷私端候龍光惟祈藻炤

迎郡理

迎司理張公啓

明馬朴

丹殿宣綸寵命煥芙蓉之色黃堂贊政雄藩生竹棘
之光驚回法曜於九天快覩福星於一路恭惟某官
靈苞沁水秀出石樓奎壁羅胸滾滾百川學海珠璣
隨唾滔滔三峽詞流冠冕家聲卓出楂梨之上絲綸
世美爵屬橋梓之間掄魁秀發葩經青錢早擅試政
榮分蘭署朱紱方來將為耳目于熙朝先佐股肱之
名郡用新及第人為司理固知要路在前以有廊廟
才除推官定是殊勳出眾矧惟上谷重屬右扶二十

城鸞鳳鷹鷂皆歸甄別一千里狂往鼠雀悉賴允明
匪茲秉正之鴻才曷典司平之鳩政綸音一下郵命
四馳易上花香笑逐隨輶之雨燕南草色爭寒凝戟
之霜是則輿情蓋惟夙望其非才叨屬實幸受成瞻
紫氣於龍文不比尋常仰斗抒丹衷於燕賀若爲咫尺披雲日近長安竿櫓表傾葵之向風清驛路弩矢先騎竹之迎翹首預鳴傾心離照

迎趙四尊啓

明諸葛昇

天眷帝鄉一路拱福躔而朗曜風清淮甸九霄沛其
討以鈞滋方城遙矚龍光下屬陡殷雀林恭惟某官
峻揭斗杓清凌冰柱學山疊秀闢四照於詞峰筆海
迴瀾徹九流於心境顧真宰相器雅稱紗籠乃有廊
廟才贊條鈴閣巖梧翠竹之韻具見其流風紅蓮綠
水之遊想聞夫丰采一千里狐狸雀鼠悉賴允明十
八城鸞鳳鷹鷂咸歸廉察矧綱紀之選借重秉正之
鴻才實湯沐之邦幸新持平之鳩政節鉞旣從天而
下樓臺以得月爲先某里仕花封綴班樾蔭捧宸綸
於日報儼驛命之星馳道左辟清塵不比尋常仰斗
關前占紫氣若爲咫尺披雲願負矢驅迎敢先於騎竹
敬申曠奏向恐後於傾葵俯垂電觀仰慰雲望

迎趙四尊啓

明諸葛昇

旌戟霜凝法曜高躔於麟甸禮帷日近德輝下覽於
鳳鄉童叟揚眉吏寮引領恭惟某官峻標太岳秀峙
中條桂苑塞芳彩筆叶淡書之墨楓宸綰綽爐烟浮
黃綬之香顧錦堂樂事方賒而鈴閣威名遙望看攜
來龜鶴有同公駕行春知遜去鼠狐不待乘傳入境
萬殊吐氣一路迎祥某仰斗維度戴星靡間秬竭驚
惘而莫効鳧趨儼聞鸞聲而益深燕喜謹願更後代
候道旁伏冀炤原可勝嚙叩企

迎節推啓

明汪泗論

恭惟某官才燦紫電器擅青萍雲錦爲章久蜚聲於
蕤苑天人數對蚤通籍于彤庭茲者峻領水衡新拜
九重之命特持郡節丕揚三尺之威某側耳聲華素
切箕裘之仰備員銅墨幸依鞭弭之光借五色而望
雲旌莫效前驅之役跂九霄而飛日馭祗深負弩之
忱敬布迎私伏惟鑒察

迎郡推啓

查盤

明李應時

恭惟某官詞林掇藻羨鳳彩之休聲棘園揚旌振鴻
達之獨步首膺睿命暫借刑名恩湛覆盆辨鼠雀于
牙角仁弘解網啓幽蟄以陽春屬吏駿奔快覩更新

號令編氓雀躍佇看欽恤慈仁碧水波澄黃華色麗
矧其末職益荷洪鈞若千載之奇逢知三生之有幸
顧瞻斗徒厯于方寸而負弩莫遂乎躬迎恭遣下俾
代申護衛伏冀台慈之覆幬少紓愚悃之瞻依

迎鄧節推啓 查盤

明胡明佐

錦旆高標矜式先孚于下吏朱輪貫止後來深慰于
兆民歡聲徧徹瑞彩耀騰恭惟某官扶輿正氣光岳
玄精蚤傳鸞鷲之章步雲紫府卓號珪璋之器列秩
黃堂理刑司被全活者數千均民情稱明允者寡二
景仰殊切揄揚奚踰矧其末職益荷洪鈞愧濫竽者

三年得報政于茲日乃徼靈寵獲賜查盤戒役代叩

于臺端肅躬候迎于道左龍光伊邇鵠立將迎

迎處州海司理啓 查盤

明王德乾 代

蒼嶺孤標風力擅平反之譽青霞三顧霜稜宣直指
之威後乘逾歡前驅肅迓恭惟某官潮應星而噴雪
山浴日以摩空八座公之氣節猶凜人間三相門之
文章遂擅天下衆期台輔帝試祥刑值珥筆之省方
先鐵冠而行郡蓋謂既明且允無及公賢能知最衝
以疲莫如吾治礦鎚雖息猶多嘯野之虞郵騎難支
况值覲朝之劇訟紛若蝟歲惡于蝗惟真侍御欲來

一方有喜非仁使君預覽百狀奚鳴某邀惠鄰封快
北斗泰山之仰交歡連袂暢暮雲春樹之懷方銜好
我不遺沃領中原鞭弭重幸獲公儼止又依大厦併
幪幸速駕于蓮城慰懸旌于柯洞

迎李司理啓

查盤倉穀

明游之光

周官九賦尤重積貯之謀漢法三章式嚴稽覈之典
蓋實惠不以虛名而有備乃可無患茲蓋伏遇某官
九天法曜一路福星銜憲命以綜盈虛昭宣雨露祇
民崑而清鼠雀肅布風霜爰念山城最稱疲瘠日有
積月有累曾不足以支三年宿無儲衣無袴有何策
以塞萬口頃蒙鈞旨大慰來蘇某器同瓦礫材比櫟
樗已瑕之玉雖妄激於見瑜無米之炊何道責於巧
婦謹顯下吏祗迓台旌

請郡理宴

請司理宴啓 重陽

明吳守道 代

玉節遙臨式循燕享之典玳筵弘啓恭修爵獻之儀
叩鈞座以申虔伏台階而待命茲者序屬三秋靚行
臺清風滿院節臨九日乘公暇撫景怡情菊綻黃花
佳色移來綺席萸含紫實芬香飛入瓊卮初誦賓筵
覲威儀心醉令德佇聞帝詔召賢良人相太平俯鑒
短箋寵臨台席

請推府宴啓

明朱朝孳

恭惟某官執法無私明照光天之燭行春有脚澤流

貫地之星其下邑微員喜報鶴隨琴至上元佳節欣
逢鼇駕山來兆應豐登心懷豫悅謹開題麩粗筵聊
衍傳棋故事寶炬散春輝敢挹清光于燈月金吾開
禁夜願同樂事于鈞天

請阮堅之司理啓

來祭山川壇就宴鈞龍臺

明陳宏巳

日當上浣禮動中涓域內山川正待諸侯之祭部中
氣色盡逐使君而來土庶駿奔神人胥洽恭惟某官
河嶽所鍾社稷攸寄肇生南土閩海鬱為湯沐之池
重蒞東方其棠遠連扶桑之地阮太公曾撫閩公生於閩明德矧
馨於黍稷榮光得被乎草萊露冕春行野外家家霖

雨齋宮夜禱封中冉冉雲霞祭天之處可風童借舞

象朝漢之臺最古人訪鈞龍某家麗壇前遊叨門下
無用雖同芻狗顧荷天地不仁有文頗異犧牛尚冀
山川其舍戴庚桑於長壘尸之祝之頌神堯於華封
多壽多子於是樽俎敢越供帳是陳徼無諸君之靈
醢白龍而加豆求羨門子之遇驂玄鹿以迎車伏願
祭必獲福飲以受釐蚤執牛耳而登壇為諸神主夙
命馬倌而之野赴虞人期

請黃推府宴啓

明徐 勗代

星輶卸軸函關紫氣晨飛法曜垂輝葉縣祥雲書見

敬陳玄兕願縶白駒恭惟某官中原麟鳳北海鯤鵬
千頃如波叔度之襟期最廣片言折獄定國之門閥
彌高肅綱紀奮爾埋輪志澄清慨然攬轡雙旌耀日
煖回寒谷之春八駿嘶風楚動潛馳之徑其牛刀慎
割豹管欣窺擁帚清塵敬設南州之榻戒庖治具虔
開北海之樽冀管蒞之不遺潔芹萍而自獻嘉賓未
享慚薨鮒之高懸上客既邀悔園葵之早拔伏願禱
帷蹙駐戟仗光臨俯徇溫藻之微忱稍念茹茅之末
誼雖吹笙鼓瑟未堪上比大烹而雅歌投壺庶獲親
承桀誨恭馳墨客敢屈佖人注目行驄傾情炙轂

請應天蕭司理啓

查盤

明吳守道

代

恭惟某官執憲留京夙起烏臺重望觀風行部丕揚
豸繡先聲儼驄馭之躬臨霜威凜凜死鷺車之明察
風度昂昂握數道之憲符振百司之綱紀綜名核實
嚴案牘之勾稽問俗采謠悉閭閻之情狀文星聯福
星並耀一路衣被清光甘雨與化雨均施四民胥蒙
潤澤允矣存神過化亶乎良邁竒逢某猥忝山城之
職守久欽京兆之聲華仰三瑞於上台執鞭無自導
雙旌於下邑負弩有緣獻簿書以質成僭干電覽守
管籥以待命幸賜海涵心切葵傾願言芹獻禔躬貞

肅莫罄私覲之儀為國賢勞式舉公筵之典謹消某
日薄潔鶴觴祗拔鳳轄

請建昌陸節推啓

明樊王家

奎壁人文四海集英雄之毅風霜法署九霄分使者
之符方欣通藉以同升復獲執鞭而待罪喜深御李
情切傾葵恭惟某官鴻羽可儀鳳毛繼美家學衍機
雲之派披朝華振夕秀頓高紙價於洛陽遺編探神
禹之藏搜金簡窮玉書盡剖珍函於酉穴今日者明
庭置對豈徒稱陸賈詩書異時哉密勿參猷當不忝
宣公奏議以此風雲連駕真騰空逸驥頃刻而留行

行且其桃李成蹊如問世祥麟遐邇為之快覩洵矣
文章左馬固宜石渠天祿分吹太乙之輝欽哉明允
臯陶乃爾金矢爰書俯借法星之照常試思襟江帶
湖之境不無土瘠而民媮此其間明刑勅法之司當
使政平而人悅自匪蓋函為德弘寬恤于虞廷何以
貫索惟明續循良于漢代此朝廷所以簡明公以遙
臨而江表所為望除書而抃舞也會見仁風廣被繼
召芟而頌騶虞固知陰德弘裁大于門以容駟馬某
嶺海豎儒甕繩朽質媿窮鄉在正寧知巨鐘建鼓之
音偶燕冀風塵得附過都歷塊之末更忝郎官而出

宰叨隨屬吏以承流豈遊刃之有餘怵然爲戒未操
刃而使割能不使傷是以受命而飲水將無負乘而
致寇庶幾仰藉玉成之化倘可幸逃瓦解之虞私念
自銘余生願托謹諏日之吉敬潔蟻樽言拔騶從有
懷躍雀聊羞沼沚之毛無地登龍或借杯盤之力匪
特挹台光于几席尚祈佩鼎誨于韋弦稽首拜函齋
心聽履

謝郡理

謝熊四府開薦啓

明夏守成

烏府掄材鑑賞煥芙蓉之色黃堂按部袞袞增桑梓
之光幸徼庇於萬間敢申虔於九頓恭惟某官九天
法曜一路福星丹筆平持共仰無冤之肺石朱絃清
奏咸聽有頌之口碑頃借前茅益隆上伐溫犀懸日
照別干江水底魚龍桓馬凜霜威驅五嶺壙間鷹隼
攬轡方持于報績徵輪倏兆于薦章蕩蕩之德難名
欣欣之色有喜顧當明府旋駕之期適捧學憲校士
之檄奔馳旁午芹曝未申雖休休台度能弘置腹之

汪波而耿耿鄙衷已乏容身之隙地尺函鳴謝寸縷
獻私神馳瓊島莫披縮地之雲名重嶺藩佇見朝天
之口

謝揚州林司理啓

明諸葛昇

膏雨滂瀼磔礎感莫知之潤仁風嗟拂桃李成不言
之蹊三稔借光五倉飽德恭惟其官儀麟振武法象
惠文明判搖山掣電雷於筆下且評止水輪烏兔於
胸中歡聲沸廣陵之濤曾聞歌佛茂澤滋隋苑之樹
今信迷仙喜當途之薦鷄煦翮看處之憑狐屐跡
江山供嘯詠暫徘徊東閣梅香鼎鶴藉調和端發
北宸芝檢念某懷空蜀劔技止黔驢鞅掌差符嘆促
衿而見肘支吾學製類効顰以捧心方牛喘未定于
計條條蠅點誤成于剡牘獲從考課更賴品題雖大
鈞缺北無垠不禁甕鷄之仰漢而小人屬厭不已實
同鑿蠃之乘雲敬介以眉目封函用瀝此肺肝積愜
惟祈日鑿可任冰兢

謝汪司理啓

查盤

明諸葛昇

使天福耀蕪城桃李春融覆露恩濃枯轍鮒鯁知潤
蓋作魏公之客不自他門試詠杜甫之詩永依廣廈
雖無三尺喙此生擬賦於大鈞幸有一瓣香斯道直

歸於先覺關前尹喜遇李耳而骨就仙塔下
駸明逢羊舌而神始王匪借先容於蟠木何當異顧於焦桐
竊念其鼠技既窮鳥情彌切命壓頭而莫強笑指舌
則猶存搔首著書妄詫千秋之計折腰為吏敢徼三
徑之資荷鋪易荒疇拙既非于抱甕執鞭當孔道苦
誰念其捉襟妻孥似逢歲而啼饑士友問何官而觸
熱恪共乃職治只平平退省所蒙考應下下第伏櫪
之驥既得鳴噴於樂郊豈躍冶之金竟絕陶鎔於歐
鑄雨凌風震方一枝三匝以穩棲山納海藏幸百孔
千瘡之補寒飲河之量盍付此已盈縱壑之思更有何

屢伏遇某官胸澄水鏡筆點化爐謂駿骨可收欲享

千金于敝帚念雞肋不棄強諧六律於啞鍾尹翁歸
不受邑子之私大開公道郭林宗喜拔後進之士畢
使成材羽而翼之所謂如天之福我顏其甲矣不知
何地以報公泰山之石常在磨恩靡泐淮河之流不
竭逆德維源敬掃空疎自覺語言之轉澁用酬高厚
却羞涓滴之無多伏乞丙容易勝寅禱

謝廬州王四尊啓 并迎查鑿 明諸葛昇

甘澤均滋草木含膏潤色福躔高朗川原仰貴明威
既飽德於五倉更邀榮於一顧寸丹烟若尺素虔將



居集卷四 卷八十八
恭惟某官法象惠文儀麟振武掣雷電于筆下明判
搖山輪鳥兔於胸中且評止水天濶庇民之厦日高
昌後之門治父毛公四境歡聲歌佛友邦帝社百察
竦息欽尊儼觀乘驄遙看頌鳳其懷同蜀瓠枝止黔
驢計典瓦全緣辱叅吹噓植考成瓜及載蒙掾筆品
題甫刻肺以銘恩且澡躬而受察謹布紀綱之役一
瞻際戟之臨燕尾差池肯傍他家門戶龍光至止實
欣此際帡幪

謝戴司理賀生子啓

明方從相代戴

瓜瓞相綿每篤宗盟之誼萍踪偶值殊徼宦海之緣
藉此寵光溢為家慶恭惟某官才足亢宗品稱瑞世
隋珠在握久懷席上之珍楚璞有知難作家中秘寶
遂以沾于天府瑚璉待需暫且試之海邦刃礪新發
平反之聲動地殿柱已忘其姓名邁種之氣干霄軒
墀立宣而供奉如其委靡實玷本源五載法曹祇自
慙夫尸素一行俗吏無所見其短長時惟顧影以自
憐悵乎臨風而于庇不謂占震果叶于初索遂得
男三逾于誕彌或有聽此啼聲不為叔向豺狼幸矣
倘欲探其骨相還恐景升豚犬依然過蒙翰貺之肫
溫益深肺腑之聯結盈盈一水阻奉湯餅之酬草草

八行曷效瓊瑤之報

回答郡理

回楊州司法謝薦啓

宋孫應時

竊以長吏薦士蓋遵著令之文小官求知將應有司
之格然在下者常艱於際可居上者亦歎於才難苟
蒙特達之知亦謂非常之會伏惟某官溫恭飭已道
德承家老成之典刑具存正始之風流猶在青衫手
版共歎棘棲之鸞命袞貂冠茲為鴻漸之翼既深感
愧又切頌祈

回司馬司理啓

宋方雲翼

芹宮聊耳有慚方山子之風李掾佳哉况是涑水翁

之裔亟熏子墨祗叙寅恭伏惟其官仕學兩優人才
儷美昔元祐相方尚夔伊傳而無慚倚司馬家何王
謝崔盧之足道肖其風烈在此雲仍文獻染濡之深
典童閱習之久便合對殿陛而納其棠之笏柰何屑
州縣而製芙蓉之裳然而積多者報豐施遐者登驟
盛德百世之祀豈欺我哉能活千人者封行將見矣
某寡與世偕其居人下一行作吏嗟本志之已非獨
人豈曰三尺法而已達者之後謹奉一瓣香以從依
倚方新揆裁靡覓

臣趙司法啓

宋方岳

昌黎坐處寧容祈下之病夫山谷詩中曾識袁州之
司法惠而好我翩其有書恭惟其官宛爲國珍所謂
趙玉以三尺從事已薄矣政賴仁言得五童薦進其
歸乎式造班引遡公已久騫迅必高某生而草茅老
矣荆棘忽相從于春水同君子察使毋至于秋荼則
執事責惟刑之恤時乃之休

其事責難斥之... 矣惟賴以... 則乎... 則王... 則志... 曰... 宋六

答王節推啓

考滿

明焦竑

伏審策勲南紀奏最西清... 正色立朝計造班之日峻... 其官文高典則學洞淵源... 仰廓地負海涵之度民所... 藏之經緯而平反一路已... 于光明禁近實資于論列... 諫墨縱橫備著皂囊之疏... 斗時勞披雲未卽弼相江... 之七人願聞緒論其爲依... 向未易殫裁

答程節推啓

明焦 竑

稷下聯陰幸託交之已素天中拔跡欣報政之有期
辱賤翰之遠頒緬風猷而曾感恭惟某官器資膚碩
天韻崇欲學以仕優吏而儒節渥在月二南公
子之風悃悃無華真兩漢循良之選言念東西之警
方深廊廟之憂顧惟祥刑可以弭盜苟吾使無訟用
能鞠草于園扉則人自不寃安得弄兵之赤子適六
條之課最知眾望之攸歸瓠水持平共覩星沈于質
索薇垣振武即看雲接干蓬萊某袖手聞曹拭觀美
改歲歷三而計吏驚茂譽足之海騰柄有八而詔王冀
華塗之必踐其為企仰莫究揆裁

答趙節推啓

明焦 竑

三年奏績久著民庸六察聯華更諧輿論方切巖瞻
之仰敢厯鼎翰之臨恭惟某官麗藻瓊敷英規玉立
以燕山之丹桂汎幕府之青蓮蕩漾邗江旣特書於
課最嵬峩魏闕計高步于禁塗蘭臺薇省之間行持
正論風靡波流之日坐挽狂瀾某久阻風期時霑霧
潤屬長箋之俯逮歎雅眷之難酬感戢盈懷指陳餘

答周司理啓

明董應舉

六條察吏直指仰成一郡亭平萬民司命歷稽在昔

卓起巨公封建堅正于武寧退之用譽子容精詳于
留守歐子推賢居官處澹彭汝礪之高標留獄雪冤
錢靖宜之至德樞主汗背終見器于博文夷簡秉樞
蚤受知于文穆皆由郡理立致台司巍然一代之名
臣赫矣千年之表範誰知今日直接芳規恭惟其官
氣完光嶽精感白星世羨德門本山河于漢社家傳
心印直衣鉢于濂溪幸借福于越臺得乞靈于法曜
化基廟堂之器奮跡開封厚濟公輔之才著名真武
嘗試稽銓衡之緒祖宣之芳烈猶存從容問赤壁之
奇公瑾之英風可掬將袞衣於社稷豈鴻陸于海邦
某辱知有素荷德難酬凌萬頃之茫然忽生秋夢望
三山其如咫尺在雲帆遠辱勤旆但存汗甲薄申緇
好得御為榮

答周推府啓

明董應舉

恭惟某官才名楚岳緒業姬宗蚤擅青箱駕琅霄而
接武出持丹筆輔皇極以流仁猗下國之有天故福
星之獨耀昔錢湛成以緩獄洗冤竟參大政孔厚濟
以擊妖奮跡遂冠宗臣彼皆未富之年僅並絕倫之
績其托誼有年乞靈自昔濫竽文部嗟乘負之為慚
便道荒丘辱恩閱之至再雨露濡而休惕遂此魯臯

時日及而馳驅居然遠濶所有非私申之犬子階墀
咫尺如遊京國之時瞬息十年直有心神之晤臨風
結軫希鑒主臣

答長沙陳司理啓湖廣

明蔡復一

蘭老無芳已負屈左徒紉佩之浦鳥飛不度更入馬
文淵吹笛之溪越次徒慚于播糠投艱滋惴于集木
牛刀至蒞方怵然以自疑鴻羽乘風胡穆如而相灑
山表二酉宜接異書之來軫中一星果分餘光之照
惟長袖而小垂手何妨教人乃輸載之急呼聲庶幾
將伯高山有譜倘同調於當琴投漆愈堅即比隣於
蕃榻勿忘發藥不敢昧篆丹

答黎平賈司理啓湖廣

明蔡復一

曩緣代斲得附同舟量徙方慚于播糠卜鄰仍叨于
倚玉從此應氣求聲之日莫非奉令承教之時惟五
馬之久虛徒得君重乃三鸞之來下惠然我私獎借
過隆彌增刻畫之愧綢繆曷極永矢佩服之心不隔
山鍾毋忘藥石

答常州錢節推啓

明吳正志

漱潤水壺攬轡動澄清之慄流膏澤國載途騰按堵
之歌德施與碧斗崇標分誼共景雲巨庇恭惟其官

金莖朗潤玉質端方縹緗纈四庫之精經緯組二儀
之秘入陳大對台光炳禹穴靈文出典明刑瑞氣壯
吳山秀色我毘陵運當百六恒潦不減於懷襄而崇
臺惠溢三章明鏡尤高於豐蔀祥懸肺石如水斯平
化弼画裳奉天爲憲允乎勳著芙蓉之幕誠哉望隆
鴛鴦之班者也其菴畫漁樵銅離屨杖涓涘芹曝謬
同杞室之憂葵藿江湖終屬弓蛇之幻憶自棲遲燕
市曾瞻道左清塵奈茲睽隔龍門徒企堦前未照幸
簡書假省愆之地荷珍言開下濟之光雅詠緇衣詩
稱鳴鶴銘心匪石托縈俯葵

答郭司理啓

明謝肇淛

地接霜麾幸已深於御李天開雲翰感猶溢於前茅
恍然贈我以瓊瑤何以報君之玉案恭惟某官冰壺
澄澈玉尺端方刃初發矧四顧而千牛立解竹批夾
鏡一鳴而萬馬皆喑紫芝與彩筆俱鮮青瑣且側席
以俟某學慙硯北識局天南曩歲之罪狀已深敢云
舊令尹之政此時之風物未改猶慙諸父老之迎忽
辱先施深謝不敏河潤九里方仰藉沮洳之濡我有
二天願無吝提攜之教草裁布謝無任神馳

舊今其文姪此報之風味未如醉魂情父法之既感
以刻其學漢歸此端同天南曩遠之罪狀已采類云
豈一創而萬焉者皆崇崇之與深筆其翰青與且與
登端王又端文及所發爾四爾而千半立翰於此夾
出然韻非以與託何以時時之王案恭對其官米壺
出對雷壘幸日采外崎李夫開雲傳渴醉益飲前業
答得同題答
明德筆端

唐詩近體卷八十九

類函一百一

東吳俞安期羨長彙編

上饒王嗣經曰常同輯

建武鄧羨遠遊訂定

州僚部全

賀州守初任

賀張中書知太平州啓

宋

秘殿陞華名藩倚重公卿多學士孰踰一佛之尊岳
牧用詞人采覺二天之廣有識相慶不戒自孚恭惟
其官北斗舒華南金擅價藝通游夏仁履閔顏集厥
大成文過屈末道出義黃達於遠用胄教尊主盟之

客馬道到

任王言資潤色之工故天下皆翕然師之在朝廷無
出其右者忽厭紅藥紫微之署去尋丹湖白紵之游
筆橐清流宜優以二千石之祿袴襦惠政難淹夫九
萬里之程佇用老成徑躋近輔某側聆制綍嘉動心
旌當開幕之云初顧奏牋之收後齊大非吾耦倘容
隣寶之修鄙陋不成邦尚賴餘波之及其爲悅慕未
易敷云

賀太平知州啓

宋張耒

伏承輟講經帷剖符江國餘光所庇弱植知安伏惟
某官與學造微尚行絕衆赫奕家世照臨遠方清淨
道心消鎮浮俗遙思公餘之多暇未妨禪觀之無爲
出入起居輕利安穩某夙懷問道幸托爲鄰惟仁人
志常在民自今日請學爲政雖相聞雞犬實一葦可
航之川而坐困簡書有其人甚遠之歎顧茲傾繫曷
罄敷陳

賀虞漢州啓

宋李劉代

渙奉恩綸復紆郡組紫樞黃閣蓋舊物之青瑣紅旂
碧油又凝香於圖戟併爲歛惠會即疇庸恭惟某官
父教之忠仕優則學識其小者稱爲東閣之郎君見
而知之始信西州之奇士勞心兩郡袖手四年茲奉

板輿之親仍作分符之使維今廣漢實古雒城登橋而訪君平探河漢之遠派臨池而憶諸葛懷宇宙之大名無疑牛鼎之烹雞政使曦封而試馬佇策勲於召杜歸接武於韋平舊及同寅新聞報政老驥真老空歌挽士不能寸之詩真鴻未冥猶及治平為第一之召

賀李崇慶啓

宋李 劉代

慶詔起家分符予郡蜀更多故有愁恨嘆息之民公勉一行真賢明慈惠之帥雙旌戾止五袴歡然恭惟某官德履直方器資疑遠夕長蛇朝猛虎去而違之棄赤豹從文狸潔其清矣未走三節聊把一麾導玻璆萬頃之江委諸汶井駐峨眉半輪之月照此唐安田里得以底寧公卿選諸所表某游從已舊俯仰成陳歛大惠于一州徒得君重賜細書于方國無以歸

賀富和州啓

宋李 劉代

起之家林分以符竹用忠良慈惠之帥慰愁恨嘆息之民邊圉底寧前旒寬顧恭惟某官名門濟美雋軌舒翹方事之殷能運糧而排泗相時而動復得計以觀濠何小智之自私疑大勇之若怯忠無不報事久益明茲從珍臺遂殿藩服惟是烏江之重鎮實係垣

墉非資青社之餘規難安田里民之瘼矣君必勉之

賀譙阮州啓

宋李 劉

榮分竹使出牧杏城安邊境立功名維其時矣崇詩
書閱禮樂盍少試焉恭惟某官濟美勲門蜚英學省
班超投筆當加萬里之封韓信登壇可決千里之勝
得州如斗游刃成風沅芷公子之恩聊逍遙兮容與
楚茅王祭之入應糾合而彌縫豈舍王哉今召君矣
某雖當請別猶闕賀成選用賢良欲安之願察舉龔
之意備足文武可使也更疇借寇之功

賀宣州張守啓

宋張 綱

衰病餘生杜門已久澄清重寄攬轡奚堪欲稍緩於
曠瘵幸密依於明哲伏惟某官學窺聖域名右漢廷
直指遺風吏識乘軺之舊剖符新政人推臥閣之賢
遠圖暫屈於州麾異寵即歸於禁路自叙

唐書卷一百一十一

宋李 登
分竹使出牧杏城安邊境立以名檢其時與之
同禮樂益少試焉恭惟其官清美動而故與學宜
延超於華富如萬里之封禪信登壇可決千里之騰
飛外如斗游乃成風沉花公丁一思聊以通分各與

求圖習風外此舉異諸明禮公禁烈自除

直計貴風曳端乘辭之舊陪科誅如入卦相閣之寶

鄭烈幸密游外即昔大對其官學願望海各古葉我

稟賦繪主封門已入此書重與

賀屈定州啓 再起 明馬 朴

五馬起家雙熊就郡剖符天上誇新命之重膺露冕
恒南喜舊遊之再蒞祥開桑麥歡動粉榆恭惟某官
清澈壺冰和鍾瑄玉才華滂沛黃河九曲之流氣節
嶙峋華岳三峯之時榮懷一檄喜協三刀馴麥有禽
惠政洽寒帷之駕觸松無默孝思孚讀禮之廬載觀
玉墀存開鈴閣千仞翔而覽下即聞袴襦之興歌六
月息以圖南佇奉璽綸而赴召某幸附蘭交之末謬
同竹使之分顧慚臆技已窮正藉鴻猷為範光騰鄰
燭分來喜動金臺情切朋簪投贈慚無玉案傾心展

各書頁四

五

賀引領挹芬

賀屈蒲州啓

明馬 朴

金鑿錫命專城拜周牧之尊銅虎分符劇郡領虞都
 之勝同袍色喜歌袴聲騰恭惟某官弼中彪外裕後
 光前當先皇棧化方弘早膺恩荐洎今上棘闈載闢
 褒舉賢書頃緣毛檄之懷遂協濬刀之夢我聞在昔
 河東郡屬股肱民到於今閭右情歸毛裏朱輪至止
 已興召杜之謠紫閣從容會被姚黃之召某誼叨附
 尾契屬同心天各一方恨阻摠衣之賀河潤九里喜
 申戒幣之虔不盡寅誠伏惟丙鑒

賀孫穎州守啓

明諸葛昇

熊軾分符展驥騰芳於半刺龍章寵異化鯤攄績於
 二藩祭戟霜新人生五馬貴矣乃州斗大都城百雉
 尊焉幸藉帡幪彌深翅企恭惟某官玉立水清風標
 霞舉秦關秀毓驃昂千里之能淮甸風行駘蕩三春
 之氣刀劒佩爲牛犢時聞隴畔耕耘萑苻消去妖氛
 載覩郊原禾黍前之四長並駕今者三善足書乃蒲
 輪方欲徵黃而蔀屋旋思借寇二百年帝里守鳳鑰
 以居留十八屬侯封握魚符而臥護坐嘯白鹿隨車
 拭目黃龍望府

賀滁州戴守啓

明諸葛昇

册受臨軒帝眷開天首郡符分作鎮賢推命世真儒
 燕喜縷懷鳧趨組繫恭惟某官瑞鍾台應霞起建標
 夕秀啓文五色燦金鼇於海上旦評騰譽一斑試銅
 虎於淮南作賦登樓唐何有乎韋李凝香肅閣宋且
 失其歐王昔共誇刺史榮哉今安知太守樂也潤沾
 九里光借一方某爲儒既拙入仕方初捧檄濠間歡
 未加於魚樂執鞭道左勞常逐於馬蹄幸高仰前瞻
 寄棲萬厦庶左提右挈微芘二天用罄葵藿之赤心
 冀垂粉榆之青眼統祈台應曷勝淵臨

賀游州牧啓

明徐升階

宏猷黼黻九重嘉卓異之才新正輝煌五馬擅循良
 之譽閭閻胥慶寮采同歡恭惟某官北斗崇名南都
 碩士填胸學海震百川奮地之雷破竹辭鋒森萬仞
 倚天之劍伎窺八索夢叶三刃利器發硯聲價應高
 六郡輕車駕熟口碑行藉四郊共誇駿望凌雲竚擬
 鸞班指日某才羞臘鳳識類醯雞河漢喜瞻星獲近
 熒煌之座樓臺先得月永依臨照之輝頃愜封韓即
 蒙知鮑感深五內慶洽三生敬布蟻忱肅申燕賀溪
 毛不腆自媿淺淺淵度多容敢希煦煦

元... 卷之二十九

賀州守膺薦

賀王州守被薦啓

明王家屏

千里分符獨懋專城之績兩臺堆轂並旌良牧之猷
賢名蜚燭于楓宸喜氣鬱葱于蔀屋恭惟某官嶽鍾
間氣天挺魏標文續西秦兩漢之雄道負北斗泰山
之重駕倅車於益部尚攜琴鶴之清風紆郡紱於雲
州不厭釜魚之冷署理公事如家務孳孳於振刷而
百廢皆興引民瘼為已辜响响焉噢咻而予遺再造
汰浮淫之供億費有常經罷株蔓之追呼獄無淹繫
疏河渠而導灌溉之利變鳥鹵為桑田築關城以弘

卷八十九

八

保障之圖葺綢繆于牖戶催科寧拙耻敲扑以樹蠶
厲之威勸學惟先躬訓課而洽文明之化政平訟理
自長吏守宰莫擬其廉能實大聲宏肆督府撫臺咸
推其卓異連章交薦煌煌逾華袞之褒拜表輒聞纒
纏竦前旒之聽忠而見察公將鞅掌以忘勞善罔遐
遺疇不同心而嚮道隼旟熊軾寵增二千石之威儀
龍首雁門歡動億萬人之顏色其忝依庥庇與藉榮
光枳棘鸞栖慮掩朝陽之采蓼蕭燕譽欣觀零露之
涓跡雖阻於登堂情特殷於賀屢敬修竿牘肅布篚
筐倘荷鑒容不勝榮藉

賀州守考滿

賀孫穎州考滿啓兼元

明諸葛昇

虞廷懋績適敷庸奏最之期軒曆回元際晉秩升華
之日遙傳盛事慶叶昌辰恭惟某官德裕經邦才優
命世以忠孝為傳家之學於謨猷見經國之心政事
文章江北循良第一神君慈母淮南治行無雙在詩
書所紀未可知若耳目以來所未見九年如一日龔
渤海之偉烈齊芳四境有謳歌黃穎州之威名再著
雉馴鹿繞蚤騰茂伐於龍鄉日煖風和卜迓新禧於
鳳曆佇仰鷺遷上國行看鷺振清班共推師帥之尊

九

晉補台衡之席某卑向泥淖高托雲天依五馬以周
旋榮生廻策沾九里之便潤澤並漸滋欣瞻岱岳之
在前頗覺迷途之不遠陽春有脚懷大造以難忘草
木無知捐微軀而莫報謹效賦椒之頌聊代鳴鷓少
佐飲栢之忱用申雀獻仰惟丙鑒俯慰寅將

賀州守壽

壽夏州守啓肘一

明季太承

一陽來復初回造化之春三壽作朋篤啓太平之佐
慶深粉社頌切瀛壺恭惟某官南楚醇儒中原循吏
訓遵典則家聲不媿黃熊才擅風騷郢調堪同白雪
既剖符而司牧爰夙駕以勤民撫字云勞人快行春
之樂追呼不擾門無吠夜之聲召下蒲輪會佇三台
於紫極慶流蓬矢欣聆三祝於華封况茲初度之辰
復值方長之日線添一縷觴祝千齡某心切披雲綠
慳縮地稍兕觥而頌壽敢後函民憑鯉素以加餐敬

申嵩禱



回州守賀元正

回州守賀正啓

明馬朴

氣轉洪鈞驚青帝又頒春至暖回寒谷喜黃堂預錫
福來瑤函爭麗於頰椒寶貺逾珍於垂棘某久霑鄰
厚復荷波餘薰沐拜嘉鏤德徒深於五內屏營陳謝
報章殊愧於七襄惟願膺獻歲之繁禧尚祈鑒頌陽
之微悃

賀州守冬至

賀全州趙守啓 冬至

宋李 劉

魯雲既書陽從地復趙日可愛福與時升特惟大雅
之英茂對細書之札恭惟某官道隨剛長德配陽休
字民之仁温若重緹之律噓物以氣煖然五袴之歌
諒觀荔挺以芸生益慶竹苞而松茂其襪材綫短泥
軼冰寒三壽作朋請效魯頌萬千之祝七日來復幸
觀義爻六二之辭

回廣德余守啓 冬至

宋李 劉代

緹灰應律圭綫迎長諒畫戟之凝香叶黃鍾而宣德

恭惟某官温恭爲政平易近民善頌洋溢於内畿和氣周流於寒谷茲一陽之既復諒百祿之交并某偶綴朝參莫陪旅賀五雲下墜如瞻曾觀之書七日朋來會見頽川之壘

回無爲趙知州啓

宋李 劉代

魯雲既復星昴初臨州牧之政惟和君子之道斯祉恭惟某官名駒千里分雉列城淮水湯湯遠借藩維之重周原膺膺近觀還定之功宜對剛辰茂膺純嘏某無由陪賀茲辱飛緘憇甘棠之陰益舒樂日奏孤竹之管即聽鈞天

賀州大夫長至啓

明馬 朴

鳳曆啓黃鍾之籥統正三微燕寢凝画戟之香喜道百祿慶雲繞二千石之夏屋仁風嘘十萬戶於春臺綺甸歡騰玉符光動恭惟某官道偕剛長德配陽和挾纘深仁散作萬民之襦袴重緹佳氣布爲一郡之旻旻茲化國之日以舒先一陽而獨復惟君子之道寢長歛諸福以朋來小至迎祥太來叶吉其倚虛讀禮驚回黍谷之融春端策占爻願獻茅簷之暄日闕然面賀肅此手書

九扉之闢其學未能信祿以代耕入誨諸生非敢絕
吟而停手出迎五鬼真成觸諱以轉喉甘心曝簪日
之溫豈意趣并星之代今何如昔寧敢為李膺之大
言我不似公抑豈異呂虔之嘉贈所幸處治中之任
而展其足固有負天下之望者為之前風清月明祇
望平分於別乘露繁天豁或容款奉於清談

候州守

候州牧啓

明史鴻脩

伏以熊軾擁專城一路星輝紫甸龜金彰異數九霄
日藹黃封穎川神雀徵奇鄭國羔羊品式恭惟某官
濟世舟航調元鼎實巨靈擅秀肇太華玉井之蓮景
曜流輝浥仙掌金莖之露披天香而採藻左馬前驅
應聖瑞以鳴華夔龍接武五符竹使經綸鎮湯沐之
雄千里棠陰歲澤漉江淮之潤惠日高懸於碧漢八
公草木生輝仁風嗟拂於青郊萬戶絃歌騰響郊雉
自馴鈴鴉不挽聽新歌於載道嘉卓異於九重增秩

賜金龍冠西京故事佩牛帶犢名高南國諸侯已符
蛇生笥內之祥卽覩鹿繞車前之瑞某山城學製媿
乏并刀之鈎矩矱可遵幸假郢斤之削雲依大厦實
藉庇於萬間陰竊新亭敢通忱於一介靡遂守屏之
謁殊深臨谷之兢尚冀普覆於二天庶徼洪潤於九

候壽州彭守啓

明諸葛昇

三輔開衙帝澤承流於蓼國八公作鎮仙風扇惠於
芍陂藉在班隨敢云竊比恭惟某官秀建霞標瑞鍾
台應奎雲綯綵翩翩隻鴉橫秋卿月升金噴噴雙熊
來暮本經術以濟事巍然千里之師參禮法以訓人
卓矣百城之表拔薤一本須知遊釜無魚秀麥兩岐
且喜画幡有鹿此大賢臨政之效業若券馬而後進
稟教之忱何以策爾某爲儒而拙入仕方初試宰中
都雖雅慕夫鶯羔不飾之化觀瀾濠上尚有慚於游
魚知樂之風幸高仰前瞻寄卑棲於萬厦庶左提右
挈徼巨芘於二天用罄葵藿之赤心將茲薄幣願冀
粉榆之青眼紆以荒牋

候和州沈州尊啓

明余鍾英

惠益江城沛千里保釐之澤聲流海宇壯一時藩翰
之猷遠邇騰歡君民胥賴恭惟某官器宇清和才猷

濬發聳稽峰之萃律文章與政事俱高滙越水之淵
浚蘊藉與設施並邃才稱偉矣共推命世之真儒帝
曰都哉宜任開天之首郡乃承銓選蒞治和陽入境
而布德音舉耕食鑿飲之民靡不漸涵於無斁下車
而宣閭澤即邇觀逖聽之衆亦皆沾溉之益深漢紀
循良時成卓異其迂踈懋學既久居畿甸之中龜勉
力田幸得遇帡幪之內緣棲遲于冷席何堪糊口未
吏之途遂在苒以期年未得致身大賢之側今遇升
秋之日適當刈穫之時敢肅魚封專脩雉獻有懷打
軸效積累以攄忱無任蹊盤踵步趨而將敬

候濟寧州劉守啓

明吳振英

萬艘朝宗于漢闕依陸海以通途千村鼓化于虞薰
藉蘇天而按堵維茲濟寧之式廓素稱要害之名邦
非蒞神明曷由淪浹恭惟某官慈仁天植宏畧性成
靈關玉壘之雄文心毓秀春殿金門之闢賢路蜚英
循良預卜于明庭學術顯張乎盛世蒼黔寄隱清濟
提封濱河緯挽之勞人頓忘力役匝地桑麻之樂業
盡處謳歌此衝煩之地固所難哉而卓異之績此其
選已其蓬心未杜蛙見猶懸向承乏于博興政沈水
奔趨之委屬依光于濟上竊通津啓閉之方分外膺

綸敢曰燕臺先郭隗衡平報最行今漢殿首吳公炎
颺長養之候尤在迓和冰壺恬適之民倍宜歛福

候原固州守啓

明陳鳴勛

望蒹葭而泝中央白露未已在板屋而亂心曲秦風
可恩情見乎詞儀及繫物恭惟某官高懷照世清規
範人相見如坐冰壺塵容自盡吐論如聆鈞奏勸怠
都忘蓋不因醉酒飽德而企徽音乃何幸聲應氣求
而聯察棠水合地而無間外比於賢濟有涉以相招
印須我友椒蘭臭味蕙蘿攀援以協恭之同寅齊氛
于膚甲况嘉政之傳播皆足法而師資蓋種木瓜貴
竹之靈爵為麥穗桑枝之政居第一城致第一治豈
惟照鄰感文人厚謝文人真始將累德某小東空乏
中下頑愚日鞅掌而帶屋夜琴心而夢月郵筒頻數
有懷同蟋蟀之秋酒盞寬踈乘興泛木蘭之楫馬將
不腆致此無窮

不期姪山無寐
亦謝同類鞭之林西蓋實乘與之水蘭之對無能
中十願愚日輝掌而帶呈交琴少而夢月輝尚賦樓
新弟微風天入早橋文入真欲泯愚盡其小東空之
百之靈靈為參參林之知吾儕一姓姓果一官官

迎州守

迎武岡虞知州啓

宋李 劉

仁賢出牧和氣先驅黔之嶺巫之嶠地稱樂土軫之
旁鷄之尾天假德星謹藉雙魚候迎千騎恭惟某官
人門具美風調不群利器盤根縣最茂朝歌之長清
談繁露家聲稱秘監之孫從容再轉之丞恬退一麾
之守惟武岡之矯矯晉數茂洪若文儒之申申唐推
公綽考之近比尤不久留吳公治平之勳甫簪筆而
持橐呂侯詳刑之命文攬轡以登車我公來合於左
符此事即探於右契湘水如舞暫迎五袴之來嶽雲

既開又趣雙旌之入某頃因退鵬及識匿犀何幸宣
州主人之來將有黔中上佐之託惟是箝尾以涉筆
偶然越俎而代庖茲僭修副貳之恭非強附交承

迎游州尊啓

明郭存謙

䟽綽天高鳳藻麗萊山之秀揚旌日近隼旟澄渤海
之清慶溢寰區歡騰僚屬恭惟其官精孕貞元名高
象緯心涵止水暢萬彙之肖翹伎妙成風擅千秋之
聲價辭儷敲金戛玉華國雄裁道超懷瑾握瑜匡時
偉畧品紹紫陽而並粹節凌白岳以爭崇寰中誦三
昧文童嶺表露一斑政事仁颺鼓物部屋生春智燭

臨民覆盆藉昭擊壤者頌美爭看徧野桑麻覲體者
飲和可信成蹊桃李仕版標雙鳧之舉帝廷擢五馬
之榮跨淄濰以佂潘士愜皈依雅望踞不來而展采
民騰來暮前歌鼎重三齊貫新六郡其燕市微生雞
封未吏披雲伊通傾兩耳以承風就日非遙疑雙眸
而注斗曷勝雀躍祗候一鏘顯一介以趨迎企三台
之鑒炤敬圖擁篲預效清塵

卷之十九

請饒州守

請揚州守啓

明馬朴

昭代循良雅繫具瞻之望專城怡恃宜申孔邇之情
 爰集青衿奉攀皂蓋恭惟其官清標玉立純德金相
 元白詞章獨跨一時之俊龔黃事業衆推歷試之優
 早振鐸於芹宮祥延鱣集繼彈琴於花縣異見雉馴
 頃以楚材守茲漢輔未來熊軾共攀德雨之隨纔駐
 隼旟咸戴福星之照閭闔擊壤以騰歡逢掖環橋而
 稱慶眇茲諸子列在四民未效殷勤有懷惘歎而後
 筮十三之吉庇逢申萬一之虔仰冀台慈俯垂光賁

卷之十九

二十一

周行願示寧慚宴啓笙簧燕谷可嗟端待春回律管

請夏州守啓 中秋

明季太承

珠光流月遙飛貝闕之寒玉屑溥空正薦金莖之爽
况以十千之豐歲當茲三五之佳辰即如汗漫仙流
尚憐妙舞清歌之會而况賢明人牧獨無先憂後樂
之懷乃卜中秋是日吉日乘人月雙清之景啓乾坤
不夜之宵肅代賓筵仰攀騶御佛氏開銀色之界輝
映雙旌嬋娟散玉華之宮光生四座掬寒波而洗禪
呼素影以行觴不減庾亮之登樓豈羨袁宏之泛渚
伏祈寵音曷任歡樂

請夏州守啓 重陽

明季太承

時維九月節近重陽綠酒黃花一任滿城之風雨白
衣青眼况逢故國之山川良辰何事於春光賞心更
宜於秋色宋玉之悲過矣李白之興翩然盖神在景
先而才以情會才情不到則清霜寒露倍感幽懷神
景相投則冷蕊疎枝總成佳趣所以漉巾菊下能如
彭澤者幾人而恐落帽風高會先龍山者兩日茲敬
卜於旬之初七日是為穀旦薄薦芹私奉迓詩豪敢
請品題糕字且攀仙客相看潦倒黃觴佇望衮舄之
臨用光蘋藻之獻

請州守啓賀薦

明馬朴

麟符敷政懋騰卓異之猷豸簡庶能光荷褒揚之典
 上逮允孚乎譽命下情私罄於歡悰薦刻疏榮慶筵
 將事恭惟某官一時人傑八郡吏師秉智燭以蒞民
 覆盆蒙照翕仁風而鼓物部屋生春省刑竊比於鞭
 蒲礪節庶幾於載米至於菜色无切蓬心豈第宜人
 靜息駭輿之馬覽仁化暴潛消游釜之魚頌溢四封
 績章三輔頃憲臣之行縣慶良牧於入疆允矣獨賢
 哀然舉最名題柱上遙厯旒鞋之思聲播寰中共切
 斗山之仰令聞未艾峻陟有期其夙荷帡幪實深并
 舞爰乂穀日薄效菲忱風送新涼爽氣聿清白屋雨
 收殘暑清暉特映朱輪幸分餘壁之光式覩初筵之

請羅州守啓

明曾光魯

咸池吐曜分剌照于幽遐溟渤流膏沛餘休于末潤
 矧叨下乘彌切帡幪恭惟某官儲精龍會采實鳳鳴
 萬斛湧泉筆下瀾廻彭蠡千尋立壁胸中氣壓匡廬
 奮翻青霄舉頭紅日旌旗方指析竹馬以來迎鞭朴
 不煩侈絃歌而載頌湛塘澄皓月心絕四知玉井沁
 清源化臻三異况茲乾坤啓橐籥帷鈴閣生春海宇
 疑陽調鼎戟枝布暖九臯響徹尺五聞風萬里扶搖

三千擊水歡聲動乎天地喜氣溢于宮墻如某頂戴
鼇山魂搖鯨海茲涓甘一辰虔效豆觴之獻少申芹
藿之忱惟祈台駕夙臨滿道梅薰皂盖誨言時聽幾
回露湛青氈稽首有懷齊心謹啓

請州大夫啓

明馬 朴

郡竹榮分式快一麾之建野芹薄獻爰虔三爵之修
汎掃蝸廬仰攀熊軾恭惟某官清時民譽昭代人豪
雲步高騫早奮狎蜚之志天才夙負雅弘經濟之猷
寰中共切於識韓關內有緣而借寇褰帷至止遊刃
恢餘千里傾心大慰回春之望四郊鼓腹頓興來慕
之謠某等眇然枯侍之中歡其艱黎之右卜茲某日
敬開需宴奉迓謙光白屋據誠媿六禽之未備黃堂
微寵冀五馬之惠臨懇願惟寅允俞爲幸

錢州大夫入覲啓 兼考

明馬 朴

隼旟出守千里帷褰甘雨車能載入朝九天香引清
風袖榮羨仙舟之發薄言祖席之張恭惟某官華國
文章經邦才具飲冰潔已更無琴鶴之隨觀火臨民
豈事淵魚之察陽春布德無言桃李成蹊天地不仁
誰使桑麻遍野政績渾同於漢史仁聲早鬱於周行
茲當報政之期聿舉入朝之典諸侯述職爭看執玉

之行天子試功會見錫金之寵某等濫叨桂籍仰庇
崇陰已承勸駕之隆情敢效稱觴之微悃良詹吉日
敬上荒函惟暫賜弭節之光庶少罄攀轅之悃

餞別夏州守啓

明季太承

徘徊故國寧忘覆庇之恩咫尺他鄉頓繫別離之悃
特假一夕以志三秋是用揲於月之念八日肅戒賓
筵仰攀仙馭何以贈我願聞金石之言黯然消魂共
出肝膽相示伏惟光賁不任寵榮

回答州守

答三明州啓

宋蘇軾

伏審奉詔牧民涓辰蒞事教條清簡曾無顧指之勞
吏下肅承皆有心服之敬風聲所暨隣境為先恭惟
某官迪哲而文剛中莫屈大辯若訥耻為利口之言
小智自私誰識仁人之勇道不容於群枉身乃獲於
退安回觀爭奪之塗日有榮枯之變坐嘯之樂勿以
語人強食自願猶當為國

答胡州守啓

宋蘇軾

伏審初見吏民首行條教隣封甚通欣謠頌之藹然

緘牘光蒙愧勞謙之過矣伏惟其官望推朝論才映士林用已試於盤根所居見紀政方觀於餘地不令而行其待罪江湖苟安衰病眷言一郡幸擊析之相聞矜式百為知代柯之不遠其為朕詠難盡各言

回楊知州啓

宋李 劉代

花嶼讀書敢作三刀之夢角巾還重顏開兩焰之祥孰分隣壁之光實倚大邦之屏恭惟其官器資凝遠業履端方學斟酌乎六經卓越諸子家清白者累世仍畏四知頃從幕府之游茂著賦輿之最既樵蘇之宿飽合繡斧以晝行游刃成風技飽經於肯綮得州如斗袖何足以回旋然既車輕而馭良何憊舟大而水淺誰如仲卿者曾有妻言君若淮陽耶即膺中召某十年出幕一障乘邊自憐無味以可憎况聞不修而已壞楚餘波之及晉倘沐垂情滕小國之間齊庶幾逃責

回胡陝州啓

宋李 劉

恭惟其官賦資凝遠布政疏明居然一麾之臨邛在三峽之遠詰曲羊腸之路王尊願為忠臣崔嵬虎牙之山吳漢隱若敵國願望此府無媿昔人其臬司無庸共工尤忝讀西陵至喜之記恍若夢遊感北山勒

移之文凄其歸晚

回張澧州啓

宋李 劉代

分符竹使出牧蘭江諒祭戰之初臨已禱禱之交詠
恭惟其官人門具美仕學皆優粵從幕水之依群空
冀野尋駕屏星之寵歌滿海沂茲歛惠於一州行報
政於五月其語離方爾賀上闕然遭吾道今洞庭相
知已晚遺余襟兮澧浦藏去為榮

回周建昌啓

通判

宋李 劉代

入觀天陞出牧江城地小而民實殷無謂附庸之陋
政平則訟自理尉為保障之雄恭惟其官濟羨象賢
蜚英燕譽頃為別乘既邦國之不空今則專城諒湖
山之自得眷盱江之小壘接閩嶠之要衝欲寬愁恨
嘆息之民是在賢良慈惠之帥銅陵石磴尋謝屐之
風流金盤玉杯識顏碑之氣骨是不落莫何有鄙夷
某方此違離悒然馳僭插三萬軸嘗願托於主盟奉
咫尺書敢再溫於前請

答錢知州啓

時陞州同不赴

明焦 竑

恭惟其官厚德鎮浮高名華國魯諸儒之稽古以飾
政刑漢循吏之近民實原經術豈謂高風之獨厲過
憐遷客之難前曲賜拊存遠飛教札伏念其昧於量

已失在信書志徒切於憂時事浸成於忤物乃以孤
危之跡致煩朋黨之攻罪重罰輕猶曲回於上意磨
鈇策蹇俾仰佐於名邦自揣分涯已為踰越况與小
民相從事本屬素懷而奉君子以周旋尤為上願顧
沈冥浸劇鼠勉莫能敗種焦芽嘆吹嘘之靡及駑駘
下駟縱剪拂以何施輒以微誠布之別楮伏望察其
心樂於退藏本無矯飾閱其力難於勉疆盖通衰殘
宥此冒干俯從私願物還其分庶少獲於安全心匪
無知詎敢忘於銜結自此以往莫知所言

明樊王家

一同作牧九霄高刺史之名千里飛檄兩地切懷人
之感寵逾於望情見乎詞恭惟其官材擅豫章悉鍾
匡嶽憶昨紹蘇湖而著範已看桃李盈門只今參郡
國以分符更見其棠滿地一帶秦淮之水也知清似
使君千秋郡伯之湖豈獨美專前哲政成不日福庇
如天行膺一札之徵暫借雙幡之賁言念其謬以庸
資忝茲重地四境之內何德以及吾民三年于斯無
嗣以謝長者所恃諸公之厚植幸隨俗吏以容身然
而揣分以奚堪不謂遠來之有意君寔蠲其大德恩
施不報之人余用銘諸厥心永矢弗諉之愛謝言不

盡瞻溯爲勞

答李莒州啓

明羅振世

穆陵政譽方驚兩鹿之奇姑幕仁風更覩三鱣之瑞
萬流吐氣多士依程恭惟某官山川毓秀象緯儲英
生同去垢之鄉早發明王之夢產共重華之地時瞻
至聖之精謀猷冠絕于一時文藻探竒于五緯經傳
漢代惠洽周庠藝圃弘觀德之規文廟闡大成之奏
福星絢絲光生千里之清夷甘雨澍流澤沛百城之
滲漉合郡樂奉帷之贊普天切攬轡之恩徵黃倚俟
于九重借寇願深于萬戶某芻狗棄才驛驛小用幸

郭璞王通之在邇願領其神快太行姑射之非遙樂
聞其異何期遇在半焦先投意契采加下體大暢襟
懷悼臂欲前摠衣恐後感瓊瑤之甚侈媿瓦礫之弗
工簡書可畏豈敢後于嘉平德音不忘可相期于長
至

...

賀州判到任

賀高郵三守新任啓

明汪若水

郎宿搖光台望贖隆夫山斗福星蒞極輿情允慰乎
雲霓監州展驥足之雄才佐郡迓鴻熙之厚祉朝堂
稍慶淮海騰歡恭惟某官上谷名豪中山世俊花明
絲筆文章冀北之群香馥雲袍聲重周南之價羨高
騫於鳳翼經小試於牛刀期月考成雉堠魏聯霄漢
三年報最鸞封榮溢絲綸羊腸歷九折以不回鋤強
抑橫駿骨市千金而愈重表異標奇魯國思虞盤錯
才高於百里秦郵借寇益懸瑞應於三刀別駕春生

滿道沛隨車甘雨前茅奮動專城蜚製錦芳華其夙
尚帡幪久切二天之戴近瞻光霽旋增接壤之輝仰
叩鴻鈞俯申燕賀淮城夜月絃管相聞海國秋濤旌
旄在望聊馮風而展素敢言芹獻之私擬就日以感
丹莫罄葵傾之願伏惟電炤身任冰兢

上州判

上泰州趙判啓

宋孫應時

伏審道自粵南駕言江北一時人物早收天下之聲
名千里吏民初想治中之風采敢因執訊敬候倌人
共惟某官襟期恢宏天韻明澈麟一角而瑞世駒千
里而簡雲列侯印十九枚赫王家之未遠中秘書三
萬卷獨儒苦以自強吐辭雄深發策高妙英風繼於
前輩餘事及於詩人而且意存斯民官有異政踐敬
歲久譽處日崇謂宜飛騰雋躔冠冕當代顧何勞於
公重猶遠佐於此州雖風月平分之權真遊戲耳然

雨露一方之望豈淺鮮其以贛書生爲部小吏迹
單危而多懼名晦昧而莫陳默惟虎榜之初登竊綴
龍門之末契不應忘分自伸堂下之一言所冀愛人
或免官曹之百謫

候州判

候州判啓

宋李廷忠

著小冠而試令懼多學製之傷曳大輅以佐州喜見
賓筵之盛趨承茲始候問宜先恭惟某官游刃長才
峩冠上族志薄統緒侈之以六藝之文價等琳琅高
而爲一國之傑獨懷遠致不羨群飛諳聞吏隱之清
風來挹昭亭之爽氣馥蘭蓀於時雨之後參替爲多
汎芙蓉於綠水之間觀瞻有美所居見重厥問甚休
能秉直繩允屬紀綱之椽好持婉畫去從帷幄之遊
某問東西而不知語上中而莫可青衫二紀僅腕冗

階白首一邦又承廢政車惟覆歷之是懼琴必更張
而乃調幸託庇於名曹猥服勤於賤職事賢以敬敢
辭束帶之勞課吏惟明尚恕征科之拙情有所屬言
莫能殫

與州判

與東平州判李休徵啓

明喻世卿

恭惟某官妙質性鍾通才養就書破萬卷虞周秦漢
游神文成一家詩賦詞章臻妙汪洋叔度之雅量瀟
灑祖生之壯懷謂鵬翼高騫萬里搏扶搖而上豈鳳
苞頰戢一枝借奉曲以棲屢獻書而數竒其心捧檄
亟促裝而判劇悉計贊壽司農緣以治水昏墊成腴
而糧無通負催科寓之撫字流移復業而里有謳謠
冰霜素勵何須卻金于四知衡鑑孤懸奚待束矢于
五聽循職既恢乎游刃攝篆尤恬然運斤布信推恩

莫澤中之鴻鴈發奸摘伏驅境上之豺狐惟蘊積多
奇夙有題輿之望故設施輒效隨在展驥之能况濬
泉源厚蓄之源而運道以濟且勘河識安流之性而
永利斯興殆將遠績庇民勲名垂於竹帛寧直蚤譽
結主榮寵馳於花封某涉獵藝圃困頓棘闈雖知厚
積而薄施竊恐日暮而途遠同病相憐昔緣瓜葛締
芝蘭之好一心永契今祈顯晦尋笠馬之盟執事楹
哉由參幕而建大將之旗鼓鯁生勉也請背城而提
克敵之戈矛東原不久借君自此升矣南國豈終老
我會且去之後先並驅於當年規勸無忘於此日情
長喙短羽往神馳

回權倖州判啓

宋李廷忠

輿坐方虛借重泛蓮之客襟期相契實同與梓之鄉
矩範後來緘滕先及恭惟某官摩天喬幹跨海脩翰
善刃而藏姑使效智能於州縣先鞭旣著旋聞馳聲
耀於公卿當干戈騷動之秋在屏翰雄強之地卓有
典文之祿助成經武之謀交致裏言就陞上幕芙蓉
池畔獨媚清波鸚鵡洲前併分明月少煩越俎而代
矣未須投傳而去之佇有詔徵峻膺簡用某猥從試
邑強使佐州每懷遲鈍不及之憂賴有直諒多聞之

益將分輝而聯治且託契於交章十部得從事之賢
愧無珍報千里見似人而喜尚可細論情動於中言
陳莫竟

代回撫州林倅啓

宋人

伏勤專价見昇屬辭試乞巧於天女孫則為宜耳顧
求福於木居士不亦左乎得非所蒙願竊有復恭惟
某官世濟其美材稱其官一同甚敏于割雞半刺即
觀於展驥有渥題輿之寵何待推轂之功不即人而
人即之行且召矣其求士甚士求我蓋亦有焉某既
受一廛當迎別駕比何武之荐龔舍則恐過清期魏

暮之繼鄭公所當拭目

答鄭判官啓

宋危昭德

三刀為州幸成期之洎吉一賢在幕喜王事之協恭
尺書寫心千里對面伏惟某官璫班偉望樞紐名家
游刃發新矧略無疑滯啖蔗入佳境寧復淹回聞贊
畫之從容諒古今之練達佇騰薦剡徑上夷途某久
矣知名於焉聯事念瘡痍之舉切悉已周知况脉絡
之相關可忘思告

